



唐詩紀事卷第四十一

白行簡

章孝標

施肩吾

鮑溶

孟簡

李程

張籍遠

許康佐

許堯佐

張南史

徐凝

朱晝

侯喜

蔣防

白行簡

春從何處來詩云欲識春生處先從木德來入門
春報柳度嶺暗驚梅透雪寒光散銷冰水鏡開曉迎郊
綺發夜逐斗光回淑氣寅中變新聲雨後催偏宜資
律呂應是候陽臺



在巴南望郡南山云臨江一嶂白雲間紅綠層層錦
綉班不作巴南天外意何殊昭應望驪山樂天和云
返照前山雲樹明從君苦道似華清試聽腸斷巴猿
叫早晚驪山有此聲時樂天在忠州
九日作云隆慮意何如窮荒九日初三秋異鄉客一
紙故人書對酒情無限開緘思有餘感時空寂寞懷
舊幾躊躇鴈盡平沙迥煙銷大漠虛登臺南望處掩
淚對雙魚

行簡以瀘水羅賦得名其警句云焦螟之生必全有
以小爲貴者江漢之流雖大盡可以一貫之又曰夕

掛于壁如滿月之在天曉用於人狀圓荷之映水

行簡字知退敏而有詞元和二年登第爲度支郎中

寶曆二年卒

行簡小字阿伶樂天同宿湖亭詩云潯陽少有風情

客招宿湖亭盡却迴水檻虛涼風月好夜深惟有阿

伶來

行簡因賜章服樂天以詩寄之云吾年五十加朝散

尔亦今年賜章服齒髮恰同知命歲官銜俱是客曹

郎予兄弟年五十賜綈俱是主客都官榮傳錦帳花聯萼彩動綾袍鴈

趨行大抵着緋宜老大莫嫌秋鬢數莖霜

孝標元和十三年下第時輩多爲詩以刺主司獨孝
標爲歸鸞詩留獻侍郎庾承宣得詩展轉吟諷庾果
重典禮曹孝標來年登第詩云舊累危巢泥已落今
年故向社前歸連雲大厦無棲處更望誰家門戶飛
孝標及第除正字東歸題杭州樟亭驛上題詩
客一半尋爲山下塵卅事日隨流水去紅花還似白
頭人初成落句云紅花真笑白頭人改爲還似且曰
我將老成名似我芳艷詎能久乎及還鄉而逝或曰
前有八元後有孝標皆桐廬人復同姓而皆不達矣

李紳鎮揚州請孝標賦春雪詩命題於臺盤上孝標
唯然索筆一揮云六出花飛處處颺粘窻拂砌上寒
條朱門到晚難盈尺盡是三軍喜氣銷

孝標及第後寄紳曰及第全勝十改官金鞍鍍了出
長安馬頭漸入揚州郭爲報時人洗眼看紳以一絕
箴之曰假金方用真金鍍若是真金不鍍金十載長
安得第一何須空腹用高心

孝標大和中山南東道從事試大理評事

明日鑾輿欲向東守宮金翠帶愁紅九門佳氣已西

去千里花開一夜風無題右張爲取詩爲主客圖

歸海上舊居云鄉路遶蒹葭縈紆出海涯人衣被蜃
氣鳥跡印鹽花艸沒題詩石潮推坐釣槎還歸舊窓
裏凝思賞煙霞

長安秋日云田家無五行水旱卜蛙聲牛犢乘春放
兒孫候暖耕池塘煙未起桑柘雨初晴歲晚香醪熟
村村自送迎右二詩韋莊又元集

施肩吾

肩吾洪州人元和十年登第以洪州西山羽化之地
慕其真風高蹈於此為詩奇麗著百韻山居詩才情
富贍如荷翻紫蓋搖波面蒲瑩青刀挿水湄又經枯

薛荔初龍鬚軟雨壓芭蕉鳳翅垂

又贈邊將詩曰輕生奉國不為難戰苦身多舊箭痕
玉匣鎖龍鱗甲冷金鈴襯鶻羽毛寒皂貂擁出花當
背白馬騎來月在鞍猶恐犬戎臨虜塞柳營時把陣

圖看

又上禮部侍郎陳情云九重城裏無親識八百人中
獨姓施弱羽飛時撻箭險蹇驢行處薄冰危晴天欲
照盆難反貧女如花鏡不知却向從來受恩地再求

青律變寒枝

又贈友人下第閑居云花眼綻紅斟酒看藥心抽綠

帶煙鋤皆輕巧之極

惜花云落盡萬株紅無人解繫風今朝芳徑裏惆悵

錦機空

隋曲有疎勒鹽唐曲有突厥鹽阿鵲鹽或云閨中人

謂好為鹽故有吾詩云顛狂楚客歌成雪媚賴吳娘

笑是鹽蓋當時語也今杖鼓譜中尚有炎杖聲

效古興云金雀無舊釵細綺無舊裾唯有一寸心長

貯萬里夫南軒夜虫織已促北牖飛蛾遶殘燭祗言

衆口鑠千金誰信獨愁銷片玉不知歲晚歸不歸又

將啼眼縫征衣

夜宴曲云闌缸如畫買不眠玉爐夜起沉香煙青娥

一行十二仙欲笑不笑桃花燃碧窓弄嬌梳洗晚戶

外不知雲漢轉被郎嗔罰屠酥盞酒入四肢紅玉軟

有吾有年來如撓梭不老應不得之句又及第後過

揚子江詩云憶昔將貢年抱愁此江邊魚龍互閃鑠

白浪高於天今日步青草還來經此道江神也世情

爲我風色好右張爲取作主客圖

張籍贈詩云世間漸覺無多事難得空名未着身合

取藥成相待喫不須先作上天人又送肩吾東歸云

知君本是煙霞客被薦因來城闕間世業偏臨七里

唐詩卷四十一
五
瀨仙遊多在四明山早聞詩句傳人徧新得科名到
處開惆悵灞亭相送去雲中琪樹不同攀

鮑溶

岐路詩云北風送微寒徒侶勤遠程憂人席不暖殘
月馬上明颼颼岐路間長見日初生重嶂曉色淺踈
猿寒啼清人間多岐路常恐終身行迴見四方人車
輪無留聲空谷亦堪隱下田非懶耕古人有遺訓飽
食非親縈我生禮義鄉少小見太平聖賢猶羈旅况
復非其名

長城作云蒙公虜生人北築秦氏冤禍與蕭墻內萬

重防禍根城成六國二宮闕啓千門生人半為土何
用空中原奈何家天下骨肉尚無恩投沙擁海水安
得不公翻乘高慘人魂寒日易黃昏枯骨貫朽鐵沙
中如有言千古驪山莽誰知野火燭

秋暮山中寄李益端公云舊事與日遠酒花仍舊香
前年綉衣客此節過此堂侍臣不自高笑解綉衣裳
眠雲有餘態入鳥不亂行我恐雲嵐色損君鞍馬光
君言此何言且共覆前觴古人重一笑買日輕金裝
日盡秉燭遊千年不能忘君言此何言明日皆異鄉
明日非今日山下道路長一從山下去天地再炎涼

此期果難得夢君馬玄黃

許渾過鮑溶宅有感云寥落故人宅重來身已亡古

苔殘墨沼深竹舊書堂秋色館池靜雨聲雲未涼無

一因展交道日暮倍心傷

溶登元和進士第與韓愈李正封孟郊友善

溶有途中句云躍馬非壯歲報恩無高功斯言化爲

火日夜焚深衷又上太原王尚書云天王委管籥開

閉秦北門頂戴日月光口宣雨露言又秋懷句云萬

里岐路多一身天地窄右張爲主客圖取溶爲工用

博解宏授主

孟簡

惜分陰詩云業廣因功苦拳拳志士心九流難酌挹

四海易消沉對景嗟移晷窺園詎改陰三冬勞聚學

駟景重兼金刺股情方勵偷光思益深再中如可冀

終嗣絕編音

元和中簡將試詣日者卜之曰近東門坐即得之矣

既入即坐西廊迫晚忽得疾隣坐請與終篇見其姓

即東門也乃擢上第

簡字幾道德州人元和中爲戶部侍郎以賊貶後以

太子賓客分司卒尤工詩尚節義

簡擬古云劍客不誇怨主人知取心但營纖毫義肯
許千萬金勇則看鷲擊憤來聽虎吟平生貴醜德刃
敵無幽深

李程

程正元中試日五色賦破題云德動天墮梓開日華
其卷已黜揚於陵質之主文呂謂於是已落重收
詠冰壺云琢玉性惟堅成壺鉢更圓虚心含衆象應
物受寒泉温潤資天質清真稟自然日融光自散雪
映色逾鮮至鑿功寧宰無私照豈偏明將水鏡對日
與粉闈連拂拭終爲美提携佇見傳勿令毫髮遺

恨綴成篇

程字表臣爲翰林學士日過八埒乃至時號八埒學
士寶曆二年爲相最爲帝所重曰高飛之翮長者在
前卿朝廷羽翮也

張蕭遠

履春冰詩云一步一愁新輕輕恐陷人薄光全透日
殘影半銷春蟬想行時翼魚驚躍處鱗風虛難駐足
岸闊怯迴身豈暇踟躕久寧辭顧盼頻願將兢慎意
從此赴通津

觀燈云十萬人家火燭光門門開處見紅粧歌鍾喧

唐紀卷四十一
夜更漏暗羅綺滿街塵土香星宿別從天畔出蓮花
不向水中芳寶釵驟馬多遺落依舊明朝在路傍

蕭遠元和進士登第與舒元興擊價俱美

出讀

秦雲寂寂僧還定盡日無人鹿遶牀句日暮風吹官

渡柳白鷗飛出

石墻廢城頭句

雙雙白燕入祠堂

乳石洞句

右張為取作主客圖

張籍有弟蕭遠雪夜同宿詩云數卷新遊蜀客詩長

安僻卷得相隨草堂深夜携琴宿說似青城館裏時

許康佐

白雲起封中詩云英英白雲起呈瑞出封中表聖寧

依地逢時豈待風浮輝迷皎潔流影忽冲融自叶堯
天美謠言漢日同泥金光乍掩檢玉氣俄通猶願非
煙瑞亭亭不散空

元稹酬許五康佐詩云猿啼三峽雨蟬報兩京秋珠

玉慙新贈芝蘭忝舊遊他年問征客須向老農求

康佐以中書舍人為翰林侍講學士與王起皆為文

宗寵禮帝讀春秋至闔弒吳子余祭問闔何人耶康

佐以中官方彊不敢對帝嘻笑後問李訓訓曰國君

不近刑人以為輕死之道帝曰朕近刑人多矣得不

慮哉訓曰列聖知而不能遠惡而不能去陛下念之

宗廟福也於是內謀翦除矣康佐終於禮部尚書

許堯佐

堯佐金谷懷古云石氏遺文在淒涼見故園清風思
奏樂衰草念行軒舞榭蒼苔掩歌臺落葉斂斷雲歸
舊壑流水咽新源曲沼殘煙斂叢篁宿鳥喧唯余池
上月猶似對金樽

康佐諸弟皆第進士而堯佐最先進又舉宏詞為太
子授書郎八年康佐繼之

堯佐正元十六年與燉煌張宗本榮陽鄭權皆在正
西府後位諫議大夫卒

張南史

陸滕宅秋雨中探韻云同人永日自相將深竹閑園
偶僻強已被秋風交憶膾更聞寒雨勸飛鷗歸心莫
問三江水旅服徒霑九月霜醉裏欲尋騎馬路蕭條
幾處有垂楊

送朱大北遊云歲暮一爲別江湖聊自寬且無人事
變誰爲客行難郢曲吟公子皇州憶伯鸞蒼蒼遠山
際松樹獨宜寒

南史好弈碁其後折節讀書遂入詩境李端哭之二云
諫草文猶在圍碁智不如高仲武云張君弈其碁者中

年感激苦節學文數年間稍入詩境如已被秋風教
憶膽更聞寒雨勸飛觴事與物力俱矣

南史字季直幽州人以試參軍避亂居揚州楊子再
召未赴而卒

錢起贈南史云紫泥何日到滄洲笑向東陽沈隱侯
黛色晴峯雲外出縠紋江水縣前流使臣自欲論公
道才子非關厭薄遊溪畔秋蘭雖可佩知君不得少
停舟

徐凝

范攄言樂天爲杭州刺史令訪牡丹獨開元寺僧惠

澄近於京師得之植於庭時春景方深惠澄設油幕
覆其上會凝自富春來未識白先題詩曰此花南地
知難種慙愧僧閑用意栽海鷲解憐暉睨胡蜂未
識更徘徊虛生芍藥徒勞妬羞殺玫瑰不敢開唯有
數苞紅萼在含芳只待舍人來白尋到寺看花乃命
徐同醉而歸時張祐傍舟而至二生各布首薦白曰
二君論文苦廉白之鬪鼠穴勝負在於一戰也遂試
長劍倚天外賦餘霞散成綺詩試訖解送疑爲元祐
次耳祐曰祐詩有地勢遙尊岳河流側讓關又題金
山寺詩曰樹影中流見鍾聲兩岫聞雖基毋潛云塔

唐紀卷四十一
十一
影挂青漢鍾聲和白雲此句未為佳也凝曰美則美
矣爭如老夫今古長如白練飛一條界破青山色凝
遂擅場祐歎曰榮辱糾紛亦何常也遂行歌而遇凝
亦鼓柅而歸自是二生不隨鄉賦矣白又以祐宮詞
四句皆數對未足奇也後杜牧守秋浦與祐為詩酒
友酷吟祐宮詞以白有非祐之論常不平之乃為詩
以高之曰誰人得似張公子千首詩輕萬戶侯又云
如何故國三千里虛唱歌詞滿六宮杜盛言其美者
欲以苟異於白而曲成於張也故牧又著論言近有
元者喜為淫言蝶語鼓扇浮器吾恨方在下位未能

以法治之斯亦敷佐於祐耳潘若冲郡閣雅談云凝
官至侍郎多吟絕句曾吟廬山瀑布贈衆人口又題
處州縉雲山黃帝上昇之所鼎湖蓋黃帝鑄鼎處也
有池在山頂詩云黃帝旌旗去不迴空余片石碧崔
嵬有時風卷鼎湖浪散作晴天雨點來自後無敢題
者凝送馬向游蜀云遊子去咸京巴山萬里程白雲
連鳥道青壁遞猿聲雨露經泥坂煙花望錦城工文
人共許應記蜀中行

送李補闕歸朝云駟牡歸城闕雙鳧去海門還從清
切楚再沐聖明恩禮樂中朝貴文章大雅存江湖多

唐紀卷四十一
十一
旅逸獻替欲誰論

問漁叟云生事同漂梗機心在野船如何臨逝水白髮未忘筌

樂天薦徐凝屈張祐論者至今鬱鬱或歸白之妬才也余讀皮日休論祐云祐元和中作宮體詩辭曲艷發當時輕薄之流能其才合譟得譽及老大稍闕建安風格誦樂府錄知作者本意講諷怨譎時與六義相左右此爲才之最也祐初得名乃作樂府艷發之詞其不羈之狀往往間見凝之操履不見於史然方干學詩於凝贈之詩曰吟得新詩草裏論戲及其辭

謂村裏老也方干世所謂簡古者且能譏凝則凝之朴畧樵魯從可知矣樂天方以實行求才薦凝而抑之其在當時理其然也令狐楚以祐詩三百篇上之元稹曰彫虫小技或獎激之恐害風教祐在元白時其譽不甚持重杜牧之刺池州祐且老矣詩益高名益重然牧之少年所爲亦近於祐爲祐恨白理亦有之余嘗謂文章之難在發源之難也元白之心本乎立教乃寓意於樂府雍容宛轉之詞謂之諷諭謂之閑適旣持是取大名時士翕然從之師其詞失其旨凡言之浮靡艷麗者謂之元白體二子規規樓壁解

辨而習俗既深牢不可破非二子之心也所以發源者非也可不戒哉

青山舊路在白首醉還鄉公別句試到第三橋便入千頃花句高景爭來草木頭一生心事酒前休山公自是山人侶携手醉登城上樓公別句右張為取作壽圖

朱晝

贈友人古鏡云我有古時鏡初自壞陵得蛟龍猶泥蟠龜魅幸月蝕摩久見菱葉青於藍水色贈君將照心無使心受惑

喜陳懿老示新製云一別一千日一日十二憶苦心

無閑時今夕見玉色玉色復何異紅結以含羣德有文如星宿飛入我曾臆憂愁方破壞懽喜重補塞使我心貞全且非黃金力將攀下風手願假仙鸞翼予欲

人孟郊故寄誠於此

賦得花藤藥合寄穎陰故人云藤生南海濱引蔓青且長剪削為花枝何人無文章非才亦有心割骨聞余芳繁葉落何處孤自在中央願盛黃金膏寄與青眼郎路遠莫知意水深天蒼蒼

書元和間進士

侯喜

劉師服軒轅彌明

韓退之石鼎聯句詩序云元和七年十二月四日衡
 山道士軒轅彌明舊與進士劉師服衡湘中相識師
 服在京夜抵其居宿有校書郎侯喜新有能詩聲夜
 與劉說詩彌明指炉中石鼎曰子能為我賦此乎喜
 即援筆賦之彌明繼焉詩曰妙匠斲山骨剡中事煎
 烹師直柄未當權塞口且吞聲喜龍頭縮菌蠢豕腹
 脹膨脝彌外苞乾蘚文中有暗浪驚師在冷安自足
 遭焚意彌亨喜謬當鼎彘間妄使水火爭彌大若烈
 士膽圓如戰馬纓師上比香爐尖下與鏡面平喜秋
 茂未落蒂凍芋彊抽萌彌一塊元氣間細泉幽竇傾

不值輸寫處焉知懷抱清喜方當洪炳然益見小

哭盈明眼眼無刃跡團團頰天成遙疑龜負圖出曝

曉正晴喜旁有雙耳穿上為孤髻撐彌或訝短尾銚

大似無足鎗師可惜寒食毬擲在路傍坑喜何當出

灰地無計離瓶鬯師陋質荷斟酌狹中貴提擎師豈

能煮仙藥但未汚羊羹喜形模婦女笑量度兒童輕

彌徒尔堅重性不過升合盛仍似廢載仰側見折軸

橫喜時於蚯蚓竅微作蒼蠅鳴彌以茲翻益恣實負

任使誠師常居顧盼地敢有漏泄情寧依暖熱弊不

與寒涼并彌區區徒自效瑣瑣不足呈師迴旋但兀

元開合堆鏗鏗喜全勝瑚璉貴空有口傳名豈比俎
豆古不爲手所搯磨礪去圭角浸潤著光明願君莫
嘲誚此物方施行四韻並是始師服援筆題首句授
喜喜綴其下云云道士笑曰子詩如是而已乎即袖
手竦肩傍北牆坐謂劉曰吾不解世俗書弟子爲我
書吾句因高吟龍頭豕腹一聯初不似經意詩肯有
似譏喜二子相顧慙駭欲以多窮之道士不用意益
切竒出不可附說皆侵劉侯二子思竭不能續道士
曰章不可不成命劉把筆唱出四十字爲八句讀畢
謂二子曰此皆不足與語此寧爲文耶吾所聞子者

不足聞也二子驚惋自失

蔣防

春風扇微和詩云麗日催遲景和風扇早春暖浮丹
鳳闕韶媚黑龍津澹蕩迎仙仗霏微送畫輪綠搖官
柳散紅待禁花新舞席皆迴雪歌筵暗送塵幸當陽
律候惟願及佳辰

望禁苑祥光詩云嘉瑞生天色葱籠幾效祥樹搖三
殿側日映九城傍仙霧今同色卿雲未可章拱汾疑
鼎氣臨渭比熒光豈並春風舊俄同聖壽長徵臣時
一望短羽欲翱翔

冬至日祥風應候詩云節逢清景空氣古二儀中獨
喜登高日先知應候風端呈光舜化表慶成堯聰况
與承時叶還將入律同微微萬井通習習九門通遶
殿炉煙起殷勤報歲功

杜賓客永豐里新居云退蹟居三逕辭榮繼二疎聖
情容解印帝里許懸車已去龍樓籍猶分御廩儲風
泉翰耳目松竹助玄虛調護心常在山林思有餘應
嗤紫芝客遠就白雲居

元和中李紳及防薦龐嚴為翰林學士李逢吉誣紳
罪逐之出嚴刺信州防刺汀州于敖封還詔書搭紳

意伸其枉曰于給事犯宰執之怒申龐蔣之屈不亦
善乎奏下乃論貶嚴太輕衆嗤譟防作連州廖先生
碑銘云長慶末余自尚書司封郎中知制誥翰林學
士出守臨汀尋改此郡

唐詩紀事卷第四十二

王涯

令狐楚

張仲素

王涯

獻壽詞云宮觀參差列九重祥雲瑞氣捧堦濃微臣

欲獻南山壽遙指南山對袞龍

遊春詞云曲江絲柳變煙條寒谷水隨暖氣消纔見

春花生綺陌已聞清樂動雲韶

經過柳陌與桃蹊尋逐春光著處迷鳥度時時衝絮

起花繁袞袞壓枝低

秋思云綠軒涼吹動輕衣夜聽更長玉漏稀月渡天

河光轉濕鵲驚秋樹葉頻飛
宮連太液見滄波暑氣微消秋意多
一夜輕風蘋末起露珠翻盡滿池荷
從軍辭云鬚頭夜落捷書飛來奏金門
着賜衣白馬將軍頻破鏑黃龍戍卒幾時歸
塞下曲云辛勤幾出黃花戍迢遞初隨細柳營
塞晚每愁殘月苦邊秋更逐斷蓬聲
年少辭家從冠軍金裝寶劍去邀勳
不知馬骨傷寒水唯見龍城起暮雲
平戎辭云太白秋高助發兵長風夜卷虜塵清
男兒

解却腰間劍喜見從王道化平

塞虜常為敵邊聲已報秋平生多志氣箭底覓封侯
從軍辭云戈甲從軍久風雲識陣難今朝拜韓信封
日斬成安燕頤多奇相狼頭敢犯邊寄言班定遠正
是立功年隴上行負羽到邊州鳴笳度隴頭雲黃知塞近
草白見邊秋

閨人贈遠花明綺陌春柳拂御溝新為報遼陽客流
芳不待人遠戍功名薄幽閨年貌傷妝成對春樹不語淚千行

形影一朝別煙波千里分君看均王君處祇是起行雲
戴勝飛晴野凌斯下濁河春風樓上望誰見淚痕多
春江曲搖漾越江春相將看白蘋歸時不覺夜出浦
月隨人

家寄征江岸征人幾歲遊不如潮水信每月到沙頭
乘曉南湖去參差疊浪橫前洲在何處露裏鴈嚶嚶
塞下曲三戍漁陽再渡遼驛弓在臂劍橫腰匈奴欲
似知名姓休傍陰山更射鷗
獵馬千羣鴈幾雙燕然山下碧油幢傳警漠北單于
破火照旌旗夜受降

朔雪飄飄開雁門平莎歷亂卷蓬根功名耻計擒生
數直斬樓蘭報國恩

隴水潺湲隴樹秋征人到此泪雙流鄉關萬里無因
見西戍河源早晚休

陰磧茫茫塞草腓桔槔烽上暮煙飛關河北望天連
海蘇武曾將漢節歸

漢宛行二月春風變柳條九天清樂奏雲韶蓬萊殿
後花如錦紫閣街前雪未銷

迴鴈高翻太液池新花乍發上林枝年光到處皆堪
賞春色人間總未知

唐詩卷四十一
春風澹蕩影悠悠，鷺鸕高枝鷺入樓。
千步回廊聞鳳吹，珠簾處處上銀鈎。

閨思云：洞房今夜月如練，復如霜。為照離人恨，亭亭到曉光。

涯字廣津，博學工屬文。梁肅、陸贄異其才，元和中為相。又相穆宗，至文宗時，李訓敗，遂及禍。

令狐楚

宮中樂云：楚塞金陵靖，巴山玉壘空。萬方無一事，端坐大明宮。

雪霽長揚苑，冰開太液池。宮中行樂日，天下盛明時。

柳色煙相似，梨花雪不如。春風空有意，一一麗皇居。
月上宮花靜，煙含遠樹深。銀臺門已閉，仙漏夜沉沉。
九重青鎖闥，百尺碧雲樓。明月秋風起，珠簾上玉鈎。
遠別離云：楊柳黃金穗，梧桐碧玉枝。春來消息斷，早晚是歸時。
玳織鴛鴦履，金裝翡翠簾。畏人相借問，不擬到城南。

遊春辭云：曉遊臨碧殿，晚日上春亭。芳樹羅仙苑，晴山展翠屏。
一夜好風吹新花，一萬枝風前調玉管。花下簇金羈。

長相思云：君行登隴上，妾夢在閨中。玉箸千行落銀

牀一半空綺席春眠覺紗窗曉望迷朦朧殘夢裏猶自在遼西

年少行云少小邊城慣放狂驕騎蓄馬射黃羊如今年老無筋力猶倚營門數鴈行

家本清河住五城須憑弓箭覓功名等閑飛鞚秋原上猶向寒雲試射聲

弓背霞明劍照霜秋風走馬出咸陽未收天子河源地不擬回頭望故鄉

霜滿庭中月滿樓金樽玉柱對清秋當年稱意須為樂不到天明未肯休

從軍行云荒鷄隔水啼汗馬向風嘶終日隨旌旆何時罷鼓鞞孤心眠夜雪滿眼是秋沙萬里猶防塞三年不見家却望冰河閣前登雪嶺高征人幾多在又擬戰臨洮胡風千里驚漢月五更明縱有還家夢猶聞出塞聲暮雪迷青海陰霞覆白山可憐班定遠生入玉門關

塞下曲云雪滿衣裳水滿鬚曉隨飛將發單于平生志氣今何在把得家書淚似珠
邊艸蕭條塞鴈飛征人南望盡霑衣黃塵滿面長須戰白髮生頭未得歸

思君恩云小苑鶯歌歇長門蛛舞多眼看春又去翠
輦不經過

紫禁香如霧青天月似霜雲韶何處奏祇是在昭陽
雞鳴天漢曙鶯語禁林春誰入巫山夢唯應洛水神
王昭君云錦車天外去毳幕雲中開魏闕蒼龍遠蕭
關赤鴈來仙娥今下嫁驕子自同和氣戟歸田盡牛
羊繞塞多
望春辭云高樓望見一花開便覺春光四面來曉日
晴雲知次第東風不用更相催
雲霞五采浮天闕梅柳千般夾御溝不上黃山南比

望豈知春色滿神州

楚久為大常博士詩云何日居三署終年尾百寮世
傳之立春後言懷招李庭衙推云閉齋夜擊唾壺歌
試望夷門柰遠何每聽寒笳離夢斷時寤清鑑旅愁
多稍驚霄漏丁丁促已覺春風習習和海內故人君
最老花間鞭馬更相過

節度宣武酬樂天夢得云蓬萊仙監

樂客曹郎劉為主客

曾在高車客大梁見擁旌梅治軍旅知親筆硯事文
章秋看柳色懸離恨憶遍花枝助酒狂洛下相逢肯
相寄南金瓊錯玉妻涼劉詩云曾經謝病客遊梁今

日相逢憶李王少有一身兼將相更能四面占文章
白詩云馬頭拂柳時回戀豹尾穿花暫亞槍誰引相
公開口笑不逢白傳與劉郎

楚自翰林學士拜相子綯自湖州召入翰林為學士
間歲拜相渭南尉趙嘏獻詩曰鴉在鄉雲水在壺代
天才業奉訐謨榮同伊陟傳朱戶秀比王商入畫圖
昨夜星辰為劍履前年風月滿江湖不知機務時多
暇猶許詩家屬和無

正元七年杜黃裳知舉徵服訪名士於尹樞樞言子
弟有崔元略孤進有林藻令狐楚其年樞冠榜試珠

還合浦賦藻賦成夢人謂曰何不叙珠來去之意既
寤改之黃裳謂藻曰叙珠來去如有神助是年楚第
五藻第十一

楚字殼士德棻之裔與李逢吉善元和末為相敬宗
逐李紳楚自宣武節度徙天平入為左僕射開成間
卒楚遊義興寺寄上李逢吉相公云柳宮無事詣蓮

宮相公教步步猶疑是夢中勞役徒為萬夫長閑遊

曾與二人同鸞鳳飛去仙巢在龍象潛來講席空秘

下花飛頻佇立一心千里憶梁公

遊晉祠上李逢吉相公云不歷晉祠三十年白頭重

唐紀卷四十二
到一凄然泉聲自昔鏘寒玉草色雖秋耀翠鈿少壯
同遊寧有數尊榮再會便無緣相思臨水下雙淚寄
入并汾向洛川

張仲素

聖神樂云玉帛殊方至歌鐘比屋聞華夷今一貫同
賀聖明君

海浪恬丹徼邊塵靜黑山從今萬里外不復鑠蕭關
九陌祥煙合千春瑞月明宮花同苑柳先發鳳凰城
宮中樂云網戶交如綺紗窓薄似煙樂吹天上曲人
六月中仙

翠匣開寒鏡珠釵掛步搖粧成祇是曉更漏促清宵
紅果搖池實金盤露井冰甘泉將避暑臺殿水光凝
月彩浮鸞殿砧聲遶鳳樓笙歌臨水檻紅燭乍迎秋
奇樹留寒翠神池結夕波黃山一夜雪渭水鴈聲多
春遊云煙柳飛輕絮風榆落小錢濛濛自花裏羅綺
競鞦韆

騁望登香閣爭高下砌臺林間踏青去席上意錢來
行樂三春節林花百和香當年重意氣先占鬪雞場
春闈怨云雪盡萱抽葉風輕水變苔玉關書信絕又
見發庭梅

唐詩卷四十二
八十一
裊裊邊城柳青青陌上桑提籠行採葉昨夜夢漁陽
桂魄初生秋露微輕羅已薄未更衣銀箏夜久殷勤
弄心怯空房不忍歸

太平辭云風俗今和厚君王在穆清行看採花曲盡
是太階平

聖德超千古皇風靜四方蒼生今息戰無事覺時長
遊春曲云萬樹江邊杏新開一夜風滿園深淺色照
在綠波中

上苑何窮樹花開次第新香車與絲綺風靜亦生塵
送春辭云日日人空老年年春更歸相歡在樽酒不

用惜花飛

塞上曲云天驕遠塞行出鞘寶刀鳴定是酬恩日今
朝覺命輕

卷旆生風喜氣新早持龍節靜邊塵漢家天子圖麟
閣身是當今第一人

贈遠云當年只是守空帷夢見江山覺別離不見鄉
書傳鴈足唯看新月吐娥眉

厭攀楊柳臨青閣閑採芙蓉傍碧潭走馬臺邊人不
見拂雲堆畔戰方酣

閨人思云愁心見遊空百丈絲春風惹斷更傷離閑花

落徧蒼苔地盡日無人誰得知

秋夜曲云丁丁漏水夜何長漫漫輕雲露月光秋逼
暗虫通夕響征衣未寄莫飛霜

碧窓斜月諳清輝愁聽寒蟬淚濕衣夢裏分明見闕
塞不知何路白金徽

秋天一夜靜無雲斷續鴻聲到曉聞欲寄征衣問消
息居延城外又移軍

博山沉燎絕餘香蘭燼金釵怨夜長爲問青青河畔
草幾回經雨復經霜

天馬辭云天馬初從渥水來效歌曾唱得龍媒不知

玉塞沙中路首宿殘花幾處開

躑躅宛駒齒未齊縱金噴玉向風嘶來時行盡金河
道獵獵輕風在碧蹄

緜山鶴詩羽客驂仙鶴將飛駐碧山映松殘雪在度
嶺片雲還清唳因風遠高姿對水閑笙歌憶天上城

郭歎人間幾覺霜毛潔殊知藻質班迢迢煙路逸奮
翮詎能攀

砌臺即今擦擦臺也仲素詩云寫望臨香閣登高下
砌臺林間踏青去席上意錢來

仲素字繪之建封之子憲宗以仲素段文昌爲翰林

學士韋賢之曰學士所以備顧問不宜專取辭藝罷
之後終中書舍人

右王涯令狐楚張仲素五言七言絕句共作一集號
三舍人集今盡錄於此

唐詩紀事卷第四十二

唐詩紀事卷第四十二

竇參 郭士元 于良史 舒元興

李諒 李賀 呂溫 呂恭

段波古 何元上 羊士諤 馮宿

柳宗元 吳武陵 邵真 崔膺

衛象 李宣遠 熊孺登 崔立之

郭遵 韋紆

竇參

謫江表久未歸有詩云一自經放逐徘徊無所從便
為出山雲不隨飛去龍名豈不欲保歸豈不欲早苟

無三月資難過千里道
離心與羈思終日常草草
人生年幾齊憂苦則先老
誰能假羽翼使我暢懷抱
湖上閑居云避影將息
陰自然知音稀向來深林中
偶亦有所窺飛鳥口啣食
引鷗上高枝高枝但各有
安知宜不宜止止復何云
物情何自私
高仲武云參詩祖沈千運
比於孟郊尚在廊廡之間
然萬丈水聲落四時松色
寒又人生年幾齊憂苦即
先老羽翼未齊而力已具
參字時中為人矜嚴悻直
果於斷初為萬年尉失囚
貶尉江夏代同舍人罪人
義之相德宗與陸贄不平

以姦賄貶死於邕州

郭士元

題劉相公三湘圖云昔別
醉衡霍爾來憶南洲今朝
平津却兼得瀟湘遊稍辨
荆門樹依然芳杜洲微明
三巴峽咫尺萬里流去鳥
不知倦遠帆生暮愁潯陽
指天末北渚空悠悠枕上
見漁父坐中常狎鷗誰言
魏闕下自有東山幽

塞下曲云寶刀塞上見身
經百戰曾有百勝心竟未
嫖姚知百草山頭日初沒
黃沙城下歌聲發蕭條夜
靜邊風吹獨倚營門望秋
月

贈韋司直云聞君感歎二毛初舊友相依萬里余烽
火有時驚暫定甲兵無處可安居客來吳越星霜久
家在平陵音信疎昨日風光還入戶登山臨水意何
如送張南史云雨余深巷靜獨酌定殘春車馬雖嫌
僻鶯花不棄貧蟲聲粘戶網鼠跡印床塵借問山陽
會如今有幾人

高仲武云士元負外河岳英奇人倫秀異自家形國
遂擁大名右丞已後與錢郎更長自丞相已下出使
作收二公無詩祖錢時論鄙之兩公詞體大約欲同
就中郎公稍更閑雅近於康樂如荒城背流水遠鴈

入寒雲又去鳥不知倦遠帆生暮愁又蕭條夜靜邊
風吹獨倚營門望秋月可齊衡古人掩映時輩又暮
蟬不可聽落葉豈堪聞古人謂謝朓工於發端比之
於今有慙沮矣

士元字君胃中山人寶應中選畿縣官詔試中書補
渭南尉歷拾遺郢州刺史

送彭將軍云雙旌漢飛將萬里授橫戈春色臨關盡
黃雲出塞多鼓鼙悲絕漠烽戍隔長河莫斷山陽路
天驕已請和

送孫願云悠然當春客憶與暮潮歸擢第人多羨如

君獨步稀亂流江渡淺遠色海山微若訪新安路巖
陵有釣磯

宿杜氏江樓云適楚豈吾願思歸秋向深故人江樓
月夜夜千里心落葉覺鄉夢鳥啼驚越吟廖廖更何
有斷續空成礎送彭將軍以下二章并贈張南史詩姚合取為極元集

于良史

良史為張徐州建封從事每自吟曰出身三十年髮
白衣猶碧日暮倚朱門從朱污袍赤公因為奏章服
焉

春山夜月云春來多勝事賞翫夜忘歸掬水月在手

弄花香滿衣興來無遠近欲去惜芳菲南望鍾鳴處
樓臺深翠微

冬日寄李贊府云地險朝陽滿天邊宿霧收風兼殘
雪起河帶斷水流北關馳心極南圖尚旅遊登臨恩
不已何處得銷憂

閑居寄薛據云隱几讀黃老閑齋耳目清僻居人事
少多病道心生雨洗山林濕鷓鳴池館晴晚來因廢
卷行樂至西城

高武仲云良史工於清雅工於形似如風兼殘雪起
河帶斷水流吟文未終較然在目

舒元興

大和九年誅王涯等仇士良愈專恣文宗惡之雖登
臨遊幸未嘗為樂或瞠目獨語左右莫敢進問因題
詩曰輦路生春草上林花滿枝馮高何限意無復侍
臣知一日看牡丹或吟日拆者如語舍者如咽俯者
如愁仰者如悅吟罷方省元興詞不覺嘆息泣下霑
衣

李翱在長沙嫁韋中丞愛姬所生女之流落者元興
自京馳詩贈翱曰湘江舞罷忽成悲便脫鸞靴出絳
帷誰是蒸邑琴酒客魏公懷舊嫁文姬

元興婺州人與李訓善同相文宗專附鄭注詭謀謬
筭日與訓比敗天下事二人為之也

元興授監察御史時坊州刺史汪洙贖貨御史大夫
溫造署元興往訊之於坊州按獄有詩云中部接戎
塞頑山四周遭風冷木長瘦石磽人亦勞牧守苟懷
仁養之時為瘡其愛如赤子始得無啼號奈何貪狼
心潤屋沉脂膏攫搏如猛虎吞噬若狂獒山秃逾高
採水窮益深撈龜魚既絕亦鹿兔無遺毛氓苦稅外
緡吏憂笑中刀大君明四目燭之動秋毫春茲一州
命慮齊隊波濤臨軒詔小臣汝往窮貪饕良分明舉公

法爲我緩窮騷小臣誠小心奉命如前熬飲水不待
夕驅馬凌晨臯及此督簿書游詞出狴牢門牆見狼
狽案牘問腥臊探情與之言變態如姦獠直非既巧
飾僞意乃深韜去惡猶農夫稂莠須耘耨恢恢布踈
網罪者何由逃自顧孱鈍姿利器非能操六旬始歸
奏霜落秋原蒿寄謝守土臣努力清郡曹須知聽甚
卑勿謂天之高

橋山懷古云軒轅馱代千萬秋淥波浩蕩東南流今
來古往無不死獨有天地長悠悠我乘驛騎到中部
古聞此地爲渠搜橋山窾兀在其左荒榛交鏤寒風

愁神仙天下亦如此况我感役同蟬蛸誰言衣冠葬
其下不見弓劍何人收哀喧叫哭牧童戲陰天月落
狐狸遊郊思皇墳立入極車輪馬跡無不周洞庭張
樂降○鶴啄鹿大戰摧蚩尤智勇神天不自大風后
力牧輸長壽襄城迷路問童子帝鄉歸去無人留
峒求道失遺跡荆山鑄鼎余荒丘君不見黃龍飛去
山下路斷髯成草風颭颭

八月五日中部官舍讀唐歷天寶已來追愴故事云
將尋國朝事靜讀柳芳歷八月日之五開卷忽感激
正當天寶末撫事坐追惜仰思聖明帝貽禍在肘腋

唐紀卷四十三
楊李盜吏權貪殘日狼籍燕戎伺其便百萬奮長戟
兩河連煙塵二京成瓦礫生人死欲盡揆業猶不息
肅宗傳寶圖寇難連年擊天地方開泰鑄鼎成繼述
萬國哭龍衮悲思動蠻貊自此千秋節不復動金石
悲風揚霜天總帷冷塵席零落太平老東西亂離客
往往爲余言嗚咽淚雙滴況當近塞地哀吹起邊笛
撫机觀陳文使我心不懌花萼笑繁華溫泉樹容碧
霓裳煙雲盡梨園風雨隔露囊與金鏡東游驚波瀾
昔聞歡娛事今日成慘感神仙不可求劔璽苦文積
萬古長恨端蕭蕭秦陵陌

坊州按獄蘇氏莊記室二賢自鄜州走馬相訪留連
數日發後獨坐寂寞因成詩寄之云十年一相見世
路信多歧雲雨易分散山川長間之我銜鳳闕恩按
獄橋山匪君在龍驤府掌奏羽檄詞相去百餘里魂
夢自相馳形容在膏臆書札通相思煩君愛我深輕
車忽載脂塞門秋色老霜氣方凝姿此地少平川崗
阜相參差誰知路非遠行者多云疲君能犯勁風信
宿凌歊危情親不自倦下馬開雙眉相對坐沉吟屈
指驚歲時萬事且莫問一盃欣共持陽鳥忽西傾明
蟾掛高枝卷簾引瑤玉滅燭臨霜墀中庭有踈蘆浙

浙聞風吹長河卷雲色凝碧無瑕疵一言開我懷曠
然澹希夷悠悠夜方永冷思偏相宜眉睫無他人與
君閑解題陶然叩寂寞更請吟清詩得意且忘言何
况竹與絲頃刻過三夕起坐輕四支明朝告行去慘
然還別離出門送君去君馬揚金羈迴來坐空堂寂
寞無人知重重碧雲合何處尋佳期

李諒

蘇州元日郡齋感懷寄越州元相公杭州白舍人云
稱慶還鄉郡吏歸端憂明發儼朝衣首開三百六句
曆新知四十九年非當官補拙猶勤慮遊宦量才已

息機舉族共資隨月俸一身惟憶故山薇舊交邂逅
封疆近老牧蕭條宴賞稀書札每來同笑語篇章時
到借光輝絲綸暫厭分符竹舟楫初登擁羽旗未知
今日情何似應與幽人事有違

時長安
四手也

樂天和李中丞元日寄詩兼呈微之云領郡斬當潦
倒年鄰州喜得平生友又云憑鶯傳語與季六倩鴈
將書寄元九莫嗟一日日催人且貴一年年入手

樂天草諒泗州刺史制云諒自澄城長訖尚書郎中
間再為州牧三宰劇縣苦心卹隱仁恕及物操刃決
滯春驥有聲諒後為京兆尹

諒字復言微之有酬復言元日郡齋感懷詩云臘盡
殘銷春又歸逢新別故欲沾衣自驚身上添年幾休
繫心中小是非貴富祝來何所遂聰明鞭得轉無機
羞看稚子先拈酒悵望平生舊採薇去日漸加余日
少賀人閑閑故人稀椒花麗句開重檢艾髮衰容惜
寸輝苦思正直酬白雪閑觀風色助青旂千官伏下
爐煙裏東海西頭意獨違祝富貴鞭聰明皆
正旦童稚俗云

李賀

高軒過二華裾織翠青如葱金環壓轡搖玲瓏馬蹄
隱耳聲隆隆入門下馬氣如虹云是東京才子文章

鉅公二十八宿羅心宵元精昭昭貫當中殿前作賦

聲摩空筆補造化天無功龐眉書客感秋蓬誰是死

艸生華風我今垂翅附冥鴻他日不羞蛇作龍退之

是聯騎造門賀摠前荷衣
而出此詩操觚立成

賀以詩謁退之時為國子博士已送客解帶門人呈

卷旋讀之首篇鴈門太守行云黑雲壓城城欲摧甲

光向月金鱗開却援帶命邀之其詩云黑雲壓城城

欲摧甲光向月金鱗開角聲滿天秋色裏塞上燕脂

凝夜紫半卷紅旗臨易水霜重鼓聲寒不起報君黃

金臺上意提携乃王龍為君死鴈門太守行

李商隱作賀小傳云京兆杜牧為李長吉序狀長吉之奇甚盡世傳之長吉姊嫁王氏者語長吉之事尤備長吉細瘦通眉長指爪能苦吟疾書取先為昌黎韓愈所知所與遊者王參元揚敬之權璩崔植為密每日日出與諸公游未嘗得題然後為詩如他人思量牽合以及程限為意常從小奚奴騎距驢背一古破錦囊遇有所得即書投囊中及暮歸太夫人使婢探囊出之見所書多輒曰是兒要官歐出心始已耳上燈與食長吉從婢取書研墨疊紙足成之投他囊中非大醉及弔喪日率如此過亦不復省王楊董時

復來採取寫去長吉往往獨騎往京洛所至或時有隨棄之故沈子明家所餘四卷而已長吉將死時或書見一緋衣人駕赤蚪持一版書若太古篆或霹靂石文者云當召長吉長吉了不能讀歛下榻叩頭言

阿嬈長吉學語時呼太夫人云老且病賀不願去緋衣人笑曰帝

成白玉樓立召君為記天上差樂不苦也長吉獨泣邊人盡見之少之長吉氣絕常所居窻中勃勃有煙氣聞行車嗟管之聲太夫人急止人哭待之如炊五斗黍許時長吉竟死王氏姊非能造作謂長吉者實所見如此嗚呼天蒼蒼而高也上果有帝也耶帝果

有苑囿宮室觀閣之玩耶苟信然則天之高邈帝
之尊嚴亦宜有人物文彩愈此世者何獨番番於長
吉而使其不壽耶噫又豈世所冒才而奇者不獨地
上少耶天上亦不多邪長吉生二十六年位不過奉
禮太常當時人亦多排擯毀斥之又豈才而奇者帝
獨重之而人返不重耶又豈人見會勝帝耶

飛香芝紅滿天春上句酒酣唱月使倒行句蹋天磨

刀割紫雲此硯右張為取作主客圖

杜牧之序其文集云賀字長吉元和中韓吏部亦頗
道其歌詩雲煙綿聯不足為其態也水之迢迢不足

為其情也春之盎盎不足為其和也秋之明潔不足
為其格也風檣陣馬不足為其勇也瓦棺篆鼎不足
為其古也時花美女不足為其色也荒國陔殿梗莽
丘壠不足為其恨怨悲愁也鯨吐鼉擲牛鬼神不
足為其虛荒幻誕也蓋騷之裔理雖不及辭或過之
騷有感怨刺懟言及君臣理亂時有以激發人意乃
賀所為無得有是賀能採尋前事所以深嘆恨今古
未嘗經道者如金銅仙人辭漢歌補梁庾肩吾宮體
謠求取情狀離絕遠去筆墨畦逕間亦殊不能知之
賀生二十七年死矣世皆曰使賀且未死少加以理

奴僕命騷可也

呂溫

字和叔一字化光禮部侍郎滑之子正元中連中兩科德宗召為集賢校書後為治書御史坐王叔文貶道州改衡州年四十而歿有子安衡

溫和張舍人聞琴云迢遞天上真寂寞丘中琴憶爾山水韻起子仁智心凝情在止始超想踈煩襟涼生子夜後月照禁垣深遠風藹蘭氣微露清桐陰方襲緇衣慶永奉南薰吟

贈友人二公南山雙喬松擢本皆千尋夕流膏露津朝

被青雲陰有雪出深澗搖風倚高岑明堂久不創雲幹何森森匠意方雕巧時情正誇淫生材會有用天地豈無心

道州觀野火詩云南風吹烈火焰焰燒楚澤陽景當晝連陰天半夜赤過處若葦掃來時如雷激豈復辨蕭艾焉得分玉石蟲蛇盡爍爛虎兕出奔迫積穢一蕩除和氣始融液乘時既敬授禹稼斯肇迹遍生合穎禾大秀兩歧麥家有京抵詠人無溝洫感若悟焚如功來歲終受益

衡州早春云碧水何逶迤東風吹春草煙波千里曲

辨嵩陽道又云病肺不飲酒傷心不看花唯驚望鄉
處猶自隔長沙

劉夢得序其文曰蚤聞詩禮於先侍郎從梁蘭學文
章勇於藝能咸有所祖年益壯志益大遂撥去文學
與雋賢交重氣槩名實歆然以致君及物為大欲
每與其徒講疑考要皇王霸強之際臣子忠賢之道
出入上下千百年間詆訶角逐屢發連柱得一善輒
盱衡擊節揚袂頓足信容得色舞于眉端以為按是
言修是理合乎心而氣將之昭昭然若揭日月而行
孰能闕其勢而爭天光者嗚呼言可信而時異道甚

長而命窄精氣為物其有所歸乎又曰和叔生少遇
君而卒以謫似賈生能明王道似荀卿始學左氏書
故其文微為富艷夫羿之關弓維巴蛇九日乃能盡
其力而迴注鸚爵亦要中於尋常之間非羿之手弓
有能有不能所遇然也後之達解者推而廣之知余
之素交不相索於文字之內而已其序如此是以夢
得元微之柳子厚悼呂衡州詩并諫皆以溫功業未
濟為辭

夢得詩曰一夜霜風雕玉芝蒼生均玉絕上林悲空懷
濟世安人略不見男婚女嫁時遺草一函歸大史旅

唐紀卷四十三
墳三尺近要離朔方徒歲行將蒲欲為君刊第二碑
微之詩云氣敵三人傑交深一紙書我投冰瑩眼君
報水鱗魚腥股唯夸瘦膏膏豈暇除傷心死諸葛

夏餘

又云望有經綸釣度收宰相刀江文駕風遠雲自接
天高國待球琳器家藏虎豹韜盡將千載寶埋入五
原蒿

又云白馬雙旌隊青山八陣圖請纓期數虜枕草誓
捐軀勢激三千壯年應四十無遙聞不暝目非是不
憐吳

又云鷓鴣生難敵江檀死更香兒童喧市井羸老哭
碑堂鴈起沙汀暗雲連海氣黃祝融峯上月幾點北
人喪

子厚作誄云元和六年八月日衡州刺史東平呂君
卒君由道州以陟為衡州君之卒二州之人哭者逾
月湖南人重社飲酒是月上戊不酒去樂會哭于神
所而歸君之志與能不施于生人知之者又不過十
人世徒讀君之文章歌君之理行不知二者之於君
其末也萬不試而一出焉猶為當世甚重使君幸得
出其什二三巍然為偉人與世無窮其可涯也

温孟冬蒲津開河亭作云息駕非窮途未濟豈迷津
獨立大河上北風來吹人雪霜自茲始草木當更新
嚴冬不肅殺何似見陽春

温有偶然作云悽悽復汲汲忽覺年四十今朝淚滿
衣不是傷春泣又曰中夜兀然坐無言空涕洟丈夫
志氣事兒女安得知可見以其志也

呂恭

吕温春日與李六景儉及第恭聯句景儉云始見花
滿枝又見花滿地温云且持增氣酒莫滴傷心淚恭
云深誠長爵結芳辰自妍媚景儉云笑歌聊永日誰

云士百意温又有同恭歲暮寄晉州李協律詩其略
吕温抱微尚仲氏即心期討論自少小形影相差
以來曾中氣欲耀天下奇雲衢兩沛艾煙閣雙菱
其幾年困方枘一旦失多歧道因窮理悟命以盡性
海能自失志之狀也

吕渭四子温恭儉遜柳宗元誌恭墓云以為賢豪絕
人又云恭之妻裴延齡女也

段洪古

洪古澧州人吕温守道州時洪古客焉洪古奉陪郎
中使君樓上夜把火看花詩云城上芳園花滿枝城

唐詩卷四十三
頭太守夜看時為報林中高舉燭感人情思欲題詩
温峇段秀才云盡日看花君不來江城半夜為君開
樓中共指南園火紅燼隨花落碧苔

温送段秀才歸澧州云湘南孤白芷幽託在清漳豈
有馨香發空勞知處深推賢路已隔賤之力不任慙
我一言分負君千里心寸義薄聯組片誠兼敵金方
期踐冰雪無使弱思侵

何元上

吕温知道州時元上居此州謂之何處上
元上有所居寺院涼夜書情呈温云庾公念病宜清

暑遣向僧家占上方月光似水衣裳濕松氣如秋枕
簟凉幸似薄才當客次無因弱羽逐鸞翔何由一示
雲霄路腸斷星星兩鬢霜

温峇云意氣曾傾四國豪偶來幽寺息塵勞嚴陵釣
處江初滿梁甫吟詩月正高新識幾人知杞梓故園
何歲長蓬蒿期君自致青雲上不用傷心歎二毛
温又有送何山人之容州詩云匣有青萍哥有書何
門不可曳長裾應須定取真知者遣對明君說子虛

羊士諤

小園春至偶書呈曹郎中孟員外云松篠雖苦節冰

唐紀卷四十三
十六
霜慘其間欣欣發佳色如喜東風還幽抱想前躅冥
鴻度南山春臺一以眺達士未解顏偃息非老圃沉
吟闕玄閑馳暉忽復失壯歲不得閑君子當濟物丹
梯難共攀心期自有約去掃蒼苔班

酬西川獨孤侍御見寄云百雉層城上將壇列營西
照雪峯寒文章立事須銘鼎談笑論功耻據鞍草檄
青油推健筆曳裾黃閣聳危冠雙金未比三年字負
弩空慙知者難

亂後曲江云憶昔曾遊曲水濱來春長有探春人遊
春人靜空池在直至春深不似春

順宗實錄云元年六月貶宣州巡官羊士諤為汀州
寧化縣尉士諤性傾險時以公事至京遇叔文用事
州黨相煽頗不能平公言其非叔文聞之怒欲下詔
斬之執詎不可則令杖殺之又不可遂貶焉由是叔
文始大惡執詎士諤受知李吉甫又最善呂溫薦為
御史嘗為資州刺史

張為主客圖以樂天為廣大教化主士諤為入室取
其句云風泉留古顏笙磬相遺音歷山桂朽有遺馥
鸞飛安可待句塵沙藹如霧長波驚飈度鴈起汀州
寒馬嘶高城暮銀釘倦秋館綺瑟瞻永路重有携手

期清光倚玉樹

士謬望女几山早歲有卜築之志云望女山頭春雪
銷路傍仙杏發柔條心思欲去知何日惆悵迴車上
野橋酬蕭使君出妓夜讌見送云玉顏紅燭忽驚春
微步凌波拂暗塵自是當歌斂眉黛不應惆悵為行人
郡樓晴雪云霽色朝雲盡亭高露亦晞寒闕臨曲檻
蕭瑟換輕衣地遠秦人望天晴社燕飛無功斬歲晚

唯念故山歸

息舟荆溪入陽羨南山遊善權寺呈李功曹云結纜
蘭渚晚紫晶上連崗晏温值初霽去遠山河長獻歲

冰雪盡細泉在路傍行披煙杉入激瀾橫石梁層
表精廬飛甍切雲翔冲襟得高步清眺極遠方潭嶂
積佳氣萸萸多早芳具觀澤國秀重使春心傷念遵
煩促途榮利鶩隙光勉君脫冠意共匿無何鄉尋山
家云獨訪山家歇還涉茅屋斜連隔松葉主人聞語
未開門繞籬野菜飛黃蝶

馮宿

宿宇拱之婺州人爲裴度彰義判官徐州張建封掌
書記歷工刑二侍郎

宿尹河南樂天夢得以詩送之宿酬云共稱洛邑難

其選何幸天書用不才遙約和風新草木且令新雪
靜塵埃臨歧有愧傾三省別酌無辭醉百盃明歲杏
園花下集須知春色自東來

每春嘗接諸
公杏園宴會

柳宗元

宗元種柳戲題云柳州柳刺史種柳柳江邊談笑為
故事推移成昔年垂陰當覆地聳幹會參天好作思
人樹慚無惠化傳

南澗中題云秋氣集南澗獨遊亭午時迴風一蕭瑟
林彩久參差始至若有得稍深遂忘疲羈禽響幽谷
寒葉舞淪漪去國魂已遊懷人淚空垂孤生易為感

失路少所宜寂寞竟何事徘徊祇自知誰為後來者
當與此心期

漁翁云漁翁夜傍西巖宿曉汲清湘燃楚竹煙銷日
出不見人欸乃一聲山水綠迴看天際下中流巖上
無心雲相逐

子厚與楊誨之書云吾年十七求進士四年乃得舉
二十四求博學宏詞二年乃得仕及為藍田尉走謁
六官堂下與卒伍為列益學老子和光同塵雖自以
為得然已得號為輕薄人矣及為御史郎官自以登
朝廷利害益大雖戒礪益切卒不免為連累廢逐

隋王叔文之黨迂謫卒死於柳州物人立廟羅池

雪詩云千山鳥飛絕萬徑人蹤滅孤舟蓑笠翁獨釣

寒江雪視鄭谷亂飄僧舍之句不作矣東坡居士云

子厚死三年愚溪無復曩時矣劉夢得聞之賦三絕云

溪水悠悠春自來草堂無主燕飛迴隔簾惟見中庭

草一樹山榴依舊開其一

草聖數行留壞壁木奴千樹屬鄰家唯見里門通德

榜殘陽寂寞出樵車其二

柳門竹巷依依在野草青苔日日多縱有鄰人解吹

笛山陽舊侶更誰過其三

吳武陵

貢院樓北新栽小松詩云拂檻愛自客移根自遠峯

已從芳草沒終不任苔封葉小初臨雪鱗生欲狀龍

承春濯雨露得地近垣墉逐吹風微動含煙色漸濃

時迴日月照為謝小山松

武陵有文而強扞嘗為韶州刺史贓罪狼籍勅令廣

州幕吏鞠之科第少年殊不假貸持之頗急武陵不

勝其忿題詩路左佛廟曰雀兒來逐颺風高下視鷹

鷂意氣豪自謂能生千里翼黃昏依舊委蓬蒿

尋貶潘州司戶卒時大和八年也或云李淑為桂管觀察吳為副因宴

大醉渤命衙校米蘭梟之明日乃悟其太過釋之故武陵詩云

武陵信州人為大學博士大和初薦杜牧於崔郾拔第五人登第初李愬節度唐鄧武陵薦李景儉王湘健智沈敏可表以自副時號知人

邵真

尋人偶題云日昊不復午落花難歸樹人生能幾何莫厭相逢遇

真為李寶臣成德軍掌書記後從李惟岳之叛與田悅李正已拒命真諫之惟岳寤使真作奏復為將之所沮德宗詔張孝忠朱滔合兵討大敗之悅嬰城惟

岳召真議歸順悅遣扈來責惟岳且欲斬真惟岳懼斬真以謝焉其後王武俊表其忠贈戶部尚

書

崔膺

感興云富貴難義合困窮易感恩古來忠烈士多出貧賤門世上桃李樹但結繁華子白屋抱關人青雲壯心死本以勢利交勢盡交情已如何失情後始歎

門易軌

膺博陵人性狂少長於外家不齒及長能文作道傍孤兒歌以諷外家張建封愛其才以為客夜中大叫

驚軍衆欲食其肉建封藏之明日置宴監軍曰某有
請請崔膺建封曰如約逡巡建封又曰某亦有請却
請崔膺坐中皆笑乃獲免膺賦別佳人云壠上流泉
龍下分斷腸嗚咽不堪聞常娥一入月中去巫峽千

秋空白雲藏云崔

李涉醉中贈膺詩云與君兄弟斥嶺故與君相逢楊
子渡白浪南分吳塞雲綠楊西入隋宮路隋家文物
今雖改舞館歌臺尚基在煬帝陵邊草木深汴河流
水空歸海今古悠悠人自別此地繁華人未歇大道
青樓夾翠煙瓊墀綉帳開明月與君一言兩相許外

捨形骸中爾汝揚州歌酒不可追洛神映箔湘妃語
白馬黃金爲身置誰能獨羨他人醉暫到香爐一夕
間能展愁眉百年事君看白日光如箭一度別來顏
色變早謀侯印佩腰間莫遣看花鬢如散

衛象

古詞云鵲血凋弓濕未乾礪鷄新染劍花寒遼東老
將鬢成雪猶向旄頭夜夜看

傷李端云才子浮生促泉臺此路賒官卑揚執戟年
少賈長沙人去門接鵬穴成酒誤虵唯余封禪草留
在茂陵家

段成式云大曆末禪師元鑒住荊州陟岵寺道高有
風韻人不可得而親張璪嘗畫松於齋壁符載贊之
象詠之時號三絕悉加聖焉人問之曰無事疥吾壁
也其徒有殺物命者弗之責有高行者亦不稱或恠
之乃題詩於竹曰大海從魚躍長空任鳥飛乃知象
大曆間江陵詩人也

李宣遠

并州路作云秋日并州路黃榆落照間孤城吹角罷
數騎射鷗還帳幕遙臨水牛羊自下山征人正垂淚
烽火起雲間

近無西耗云遠戎兵壓境遷客淚橫襟烽候驚秦塞
囚居困越吟自憐牛馬走未識大羊心一月無消息
西看日又沉

宣遠正元進士登第

熊孺登

至日荷李常侍過郊居云賤子守柴荆誰人記姓名
風雲千騎降草木一陽生禮異江河動歡殊里巷驚
稱觴容侍坐看竹許同行遇覺滄溟淺恩疑太嶽輕
盡搜天地物無諭此時情

和竇中丞歲酒喜見小男兩歲云更添十歲應為相

歲酒從今把未休聞得一毛添五色眼看相逐鳳池頭

劉夢得送湘陽熊判官孺登府罷歸鍾陵因寄江西裴中丞詩云射策志未就從事府云除篋留馬卿賦袖有劉引書忽見夏木陰恨然憶吾廬復持州民刺歸謁專城居

樂天洪州逢孺登詩云靖安院裏新黃下醉笑狂吟氣最鹿莫問別來多少苦低頭看取白髭鬚孺登鍾陵人登進士第終於藩鎮從事

崔立之

南至隔仗堦含元殿香爐詩云千官望長至萬國拜含元隔仗爐光出浮霜煙氣翻颼颼紫內殿漠漠澹前軒聖日開如捧卿雲近欲渾輪困洒宮闕蕭索散乾坤願倚天風便披香奉至尊

退之贈崔立之評事詩云崔侯文章苦敏捷高浪駕天輪不盡曾從關外來上都隨身卷軸車連軫朝為百賦猶鬱鬱暮作千詩轉道繁詩意殊憫其窮立之登正元進士第

郭遵

南至日隔仗望含元殿香爐詩云冕旒親負宸弁服

唐詩紀事卷四十三
盡朝天賜谷移初日金爐出御煙芬馨流遠近散漫
入貂蟬霜仗凝余白朱欄映轉鮮如看浮闕在稍覺
逐風遷為沐皇家慶來瞻羽衛前

遵登正元進士第

韋紆

南至日隔仗望含元殿香爐云抗殿疏元首高高接
上玄節當南至日星是北辰天寶載羅仙杖金爐引
瑞煙非微雙闕麗容洩九州連拂曙祥光滿分晴曉
色鮮一陽今在曆生植願陶甄紆正元進士也

唐詩紀事卷第四十三

唐詩紀事卷第四十四

王建

宮詞一百首

蓬萊正殿躡金鬣紅日初生碧海濤開着五門遙北
望柘黃新帕御床高

殿前傳點各依班召對西來八詔蠻上得青花龍尾
道側身偷覷正南山

龍煙日氣紫瞳瞳宣政門當玉殿風五刻閣前卿相
出下簾身在半天中

白玉窻中起草臣櫻桃初出賜嘗新殿頭傳語金階
遠因進詞來謝聖人

內人對御疊花牋綉坐移來玉案邊紅蠟燭前呈草
本平明昇出閣門宣

千牛仗下放朝初玉案傍邊立起居每日請來金鳳
紙殿頭無事不教書

延英引對碧衣郎江硯宣毫各別床天子下簾親考
試官人手裏過茶湯此詩亦云元稹作

朱明開着九重關金畫黃龍五色幡直到銀床排伏
合聖人三殿對西番

少年天子愛邊功親到凌煙畫閣中教覓動臣寫圖
本長教殿裏作屏風

丹鳳樓門把火開先排法駕出蓬萊棚前走馬人傳

語天子南郊一宿迴

樓前立仗看宣赦萬歲聲長再拜齊日照綵盤高百
尺飛仙爭上取金雞

集賢殿裏圖書滿點勘頭邊御印同真跡進來依字
數別收錄在玉函中

秋殿清齋刻漏長紫微宮女夜焚香拜陵日到公卿
發鹵簿分頭入太常

新調白馬怕鞭聲供奉騎來遶殿行為報諸王侵早
起隔門催進打球名

唐詩卷四
對御難爭第一籌殿前不打背身毬內人唱好龜茲
急天子龍輿過玉樓

新衫一樣殿頭黃銀帶排方獺尾長物把金鞭騎御
馬綠綬紅額麝煙香

羅衫葉葉綉重重金鳳銀鵝各一襲每遍舞頭分兩
向太平萬歲字當中

魚藻宮中鎖翠娥先皇行處不曾過如今池底休鋪
錦菱角鷓頭積漸多

殿前明日中和節連夜瓊林散舞衣傳報所司供
燭監明金鎖放人歸

五更五點索金車盡放宮人出看花仗下一時催立
馬殿頭先報內園家

城東南北望雲樓半下珠簾半上鈎騎馬行人長遠
過忽防天子在樓頭

射生宮女宿紅粧請得新弓各自張臨上馬時齊賜
酒男兒跪拜謝君王

新秋白兔大於拳紅耳霜毛趁草眠天子不教人射
煞玉鞭遮到馬蹄前

內人籠脫解紅縵戴勝爭飛出手高直到碧雲邊却
下一雙金爪菊花毛

唐詩卷四十四
三
競渡舡頭掉綵旗兩邊泥水濕羅衣池東爭向池西
岸先到先書上字歸

燈前飛入玉指虫未卧嘗聞半夜鍾看着中元齋日
到白盤金線綉真容

步行送出長門遠不許來辭舊院花只恐他時身到
此乞來自在得還家

一時起立吹蕭管得寵人來滿殿迎整頓衣裳皆着
節舞頭當拍第三聲

琵琶先抹六么頭小管丁寧側調愁半夜美人雙起
唱一聲聲出鳳凰樓

春池日暖少風波花裏牽舡水上歌遙索劍南新樣
錦東宮先釣得魚多

十三初學擘箏篋弟子名中被點留昨日教坊新進
入並房宮女與梳頭

紅蠻捍撥帖曾前移坐當頭近御筵用力獨彈金殿
響鳳凰飛出四條絃

春風吹曲信旗竿自得深宮不怕寒誇道自家先上
馬團中橫過覓人看

粟金腰帶象牙錐插散紅翎玉窠支旋獵一邊還引
馬歸來花鴨遶鞍垂

雲駁月駉各試行一般毛色一般纓殿前來往重騎
過欲得天恩別賜名

每夜停燈熨御衣銀燠籠底火霏霏遙聽帳裏君王
覺上直聲鍾始得歸

因喫櫻桃病故歸三年着破舊羅衣內中侍從來還
去結得金花上貴妃

欲迎天子看花去下得金堦却悔行恐見失恩人舊
院迴來憶着五絃聲

住來舊院不堪修近敕宣徽別起樓聞有美人新入
內宮中未識大家愁

自誇歌舞勝諸人恨未承恩出內頻連夜宮中修理
院地衣簾額一時新

悶來無處可思量旋下金堦旋下床收得山丹紅蕊
粉腮中洗却麝香黃

嫌羅不着索輕編對面交人染褪紅衫子成來一遍
出今朝看處滿園中

合暗報來門鎖子夜深應別喚笙歌房中下着珠簾
睡月過金堦白露多

御厨下食索時新每見花開即苦春白日卧多嬌似
病隔簾教喚女醫人

藂藂洗手遶金盆
 旋拭紅巾入殿門
 裏邊遙攬金橘
 子在前に收得便承恩
 御波水色春來好
 處處分流白玉渠
 密奏君王知入
 月喚人相伴洗裙裾
 移來女樂部頭邊
 新賜花檀大五絃
 縱得紅羅手帕
 子當心香盡一雙蟬
 新晴草色暖溫暾
 山雪初消漸出渾
 今日踏青歸校
 晚傳聲問著苑東門
 兩簾新換珠簾額
 中尉明朝設內家
 二樣金盤五千
 箇箇紅蘇點出牡丹花

舞送香迷出內家
 記巡傳把一枝花
 散時各自燒紅
 燭相逐行歸不上車
 家常愛著舊衣裳
 空戴紅梳不作粧
 忽把下階衣帶
 解非時應得見君王
 宣勅教歌不出房
 一聲一通報君王
 再三博士留殘
 拍索向宣徽作徹章
 行中第一頭先舞
 博士傍邊亦被欺
 勿心覺管絃偷急
 遍翩翩羅袖不教知
 同黃縫校捨釵梳
 欲得金仙觀內居
 近被天恩知識
 字收來按上檢文書

月冷江清近臘時玉堦金瓦雪淅淅浴堂門外抄名
入公主家人謝面脂

未承恩澤一家愁乍到宮中憶外頭求首管絃聲款
逐側商調裏唱伊州

東風潑潑雨新休盡春風蕩雪溝走馬犢車當御
路漢陽公主進雞毬

風簾水閣壓芙蓉四面拘欄在水中避執不歸金殿
宿秋河織女夜燈紅

聖人生日明朝是私地先須屬內監自寫金花紅榜
子前頭先進鳳凰衫

避脫昭儀不擲盧井邊含水買鷓鴣肉中數日無呼
喚馬得滕王蛺蝶圖

內宴初秋入二更殿前燈火一天明官官分半音聲
住諸院門開觸處行

玉蟬金掌三層插翠髻高鬟綠鬢虛舞處春風吹落
地歸來別賜一頭梳

樹葉初成鳥出窠石榴花裏笑聲多舞中遺却金釵
子拾得從他要賞羅

小殿新裝粉欲乾貴妃姊妹盡來看為逢好日先移
入續向街西索牡丹

內人相續報花開
准擬君王便看來
絳着五絃琴綉
袋宜春院裏按歌迴

巡吹遍 不相和暗看誰人曲
校多明日梨花園裏
見先須逐得內家歌

黃金合裏盛紅雪
重結香羅四出花
一一傍邊書勅
字分明送與大臣家

未明東上閣門開
排仗聲從後殿來
阿監兩邊相對
立遙聞索馬一時迴

宮人早起笑相呼
不識堦前掃地夫
乞與金錢爭借
問外頭還似此間無

小隨阿婦學吹笙
好見君王乞與名
夜掃玉床朝把
鏡黃金堦下不教行

日高殿裏有香煙
萬歲聲來動九天
妃子院中初降
誕內人爭乞洗兒錢

宮花不共外邊同
正月長生二朶紅
供御櫻桃看守
別直無鷓鴣鳥在園中

殿前鋪設兩邊樓
寒食宮人步打球
一半走來爭跪
拜上朋先謝得頭籌

大儀前日暖房來
囑和昭陽乞藥栽
勅賜一窠紅躑
躑謝恩未了奏花開

唐詩卷四
床前謝賜紫羅襦不下金階上軟輿官局揔來為喜
樂院中新拜內尚書

鸚鵡誰教轉舌閑內人手裏養來姦語多近更承恩
澤數對君王憶隴山

分明閑坐賭櫻桃休却投壺玉腕勞各把沉香雙陸
子局中鬪得壘高高

禁寺紅樓內裏通笙歌引駕夾城中裹頭官監當前
立手把牙鞘竹彈弓

春風院院落花堆金鎖衣生掣不開更築歌臺起粧
殿明朝先進畫圖來

舞來汗濕羅衣徹樓上人扶下玉梯歸到院中重洗
面金盆水裏撥紅泥

宿粧殘粉未明天揔在朝陽花樹邊寒食內人長自
打庫中先散與金錢

衆中愛得君王笑偷把金箱筆硯開書破紅蠟隔子
上旋催當內美人來

後宮宮女無多少起得園中笑一團舞蝶落花相看
着春風共語亦應難

黛眉小婦研裙長惣被抄名入教坊春設殿前多隊
舞明頭各別請衣裳

唐詩四
九
水中芹葉土中花拾得還將避衆家
恁待別人般數盡抽中捻得鬱金花

玉簫改調移纖指催赴紅羅綉舞筵
未着柘枝花帽子兩行宮監在簾前

惚惚戶戶院相當恁有珠簾玳瑁床
雖道君王不來宿帳中長是炷衙香

銀燭秋光冷畫屏輕羅小扇撲飛螢
天階夜色涼如水卧看牽牛織女星

雨入珠簾滿殿涼避風新出石盆湯
內人恐要秋衣春不住熏籠換好香

金吾除夜進儺名畫袴朱衣四隊行
院院燒燈如白日沉香火底坐吹笙

樹頭樹底覓殘紅一片西飛一片東
自是桃花貪結子錯教人恨五更風

金殿當頭紫閣重仙人掌上玉芙蓉
太平天子朝迎日五色雲車駕六龍

日晚長秋簾外報望陵歌舞在明朝
添爐欲爇熏衣麝憶得分時不忍燒

日映西陵松柏枝下臺相顧一相悲
朝來樂部歌新曲唱着君王自作詞

淚盡羅巾夢不成夜深前殿按歌聲紅顏未老恩先
斷斜倚熏籠坐到明

新鷹初放兔方肥白日君王在內稀薄暮正門臨欲
鎖紅粧飛騎向前歸

黃金捍撥紫檀槽絃索初張調更高盡理昨來新上
曲內官簾外送櫻桃

鴛鴦瓦上忽然驚晝寢宮娥夢裏聲元是吾皇金彈
子流棠窠下打流鶯

寶仗平明金殿開暫將紈扇共徘徊玉顏不及寒鴟
色猶帶昭陽日影來

閑吹玉殿昭華管醉打黎園縹蒂花千年一夢歸人
世絳縷猶封繫臂紗

建初爲渭南尉值內官王樞密者盡宗人之分然彼
我不均復懷輕謗之色忽過飲語及漢元靈信任中
官起黨錮興廢之事樞密深憾其譏乃曰吾弟所有
宮詞天下皆誦於口禁掖深邃何以知之建不能對
後爲詩以贈之乃脫其禍建詩曰先朝行坐錯相隨
今上春宮見長時脫下御衣偏得着進來龍馬每交
騎當承密旨還家少獨對邊情出殿遲不是當家頻
向說九重爭遣外人知

上李庶子云紫煙樓閣碧沙亭上界詩仙獨自行奇
險驅回還寂寞雲山經用始鮮明藕綃紋縷裁來滑
鏡水波濤瀟得清昏思願因秋露洗幸容階底禮先
生建赴陝州司馬樂天夢得以詩送之夢得詩云暫
輟清嚴出太常空携詩卷赴甘棠府公既有朝中舊
司馬應容酒後狂案牘來時唯署字風煙入興便成
章兩京大道多遊客每遇詞人戰一場樂天詩云陝
州司馬去何如養靜貧貧兩有餘公事閑忙同少尹
俸錢多少敵尚書只携美酒閑爲伴惟作新詩越下
車自有鐵牛無詠者計君投刃必應虛

張籍贈建詩云早在山東聲價遠曾將順策佐嫖姚
識來詩句無閑語老去官班未入朝身屈只聞詞客
說居貧多見野僧招獨從詩閣歸來晚春水橋邊看

柳條

建大曆進士爲昭應丞太府寺丞終於司馬建在昭
陽楊巨源寄詩曰武皇金輅輾香塵每歲朝元及此
辰光動泉心初浴日氣蒸山腹物成春謳歌日入雲
韶曲詞賦方歸侍從臣瑞靄朝朝猶望幸天教赤縣
有詩人

唐詩紀事卷第四十四

唐詩紀事卷第四十五

朱灣

王良會

柳公綽

張正壹

徐放

崔備

蘇郁

胡幽貞

張儼

杜顥

韋丹

鄭俞

杜元穎

吳丹

鄭餘慶

趙宗儒

周弘亮

王播

周匡物

許玫

張碧

朱灣

壁畫古松詩云石上盤古根謂言天生朽安知草木性變在畫師手陰深方丈間真趣幽且間木文離坡

勢槎碎中裂空心火燒出掃成三寸五寸枝便作千
年萬年物莓苔濃淡意不同一半死皮藏蠹蟲風霜
未必來到此氣色杳似寒山中孤標可翫不可取能
使支公道場古

平陵寓居再逢寒食云幾迴江上泣途窮每遇良晨
歎轉蓬火燧知從新節變灰心還與故人同莫聽黃
鳥啼愁處自有花開向客中貧病固應無撓事但將
懷抱醉春風

逼寒節寄崔七云閑庭只是長莓苔三徑曾無車馬
來旅館尚愁寒食火心懶向不燃灰門前下客雖

彈鋏溪畔窮魚且曝鰓他日趨庭因問禮須言陋巷
有顏回

九日登青山云昔人惆悵地繫馬又登臨舊處煙霞
在多時草木深水將空合色雲共我無心想見龍山
會良辰亦似今

灣別湖州崔使君儂書云灣聞蓬萊之山藏杳冥而
可到驅龍之珠潛瀆滉而可識貴人之顏無因而前
不可識灣自假道路問津主人一身孤雲兩度圓月
凡再請職事三趨戟門門人謂灣曰子私來耶公來
耶若言公僕實非公若言私公庭無私以茲交戰彷彿

唐詩卷四十五
二
惶于今信知庭之與堂不啻千里况寄食漂母夜眠
漁舟門如龍而難登食如玉而難得如龍之門轉深
如玉之粟轉貴實無機心翻成機事漢陰丈人聞之
豈不大笑屬谿上風便囊中金貧均甘棠而歎自引
分而退也

高仲武云朱灣率履正素放情江湖郡國交辟潛耀
不起有唐高人也詩體幽遠興用洪深因詞寫意窮
理盡性於詠物尤工如受氣何曾異開花獨自遲所
謂哀而不傷國風之深者也

灣爲李勉末平從事灣秋夜燕王郎中宅賦得露中

菊云衆芳春競發寒菊露偏滋受氣何曾異開花獨
自遲晚成猶有分欲採未過時忍棄東籬下看隨秋
草衰

賦得白鶴翔翠微送陳偃下第云不知鷗與鶴天畔
弄晴暉背日分明見臨川相映微淨中雲一點迴去
雪孤飛正好南枝住翩翩何所依

長安喜雪云千門萬戶雪花浮點點無聲落瓦溝全
似玉鹿清更積半成冰片結還流光含曉色清天苑
輕逐微風遶御樓平地已霑盈尺潤年豐須荷富人

侯

右三詩韋莊
取爲又元集

王良會

武元衡鎮西蜀有中秋夜錦樓望月詩云玉輪初滿
空迥出錦城東相向秦樓境分飛碣石鴻桂香隨窈
窕珠綴隔玲瓏不及前秋見團圓鳳沼中
良會和云德星搖此夜珥月滿香城香靄煙氣色颺
颺砧杵聲令行秋氣爽樂感素風輕共賞千年聖長
歌四海清得清字
良會以內侍省內侍省為監軍使

柳公綽

和錦樓翫月詩云此夜年年月偏宜此地逢近看江

水淺遙辨雪山重萬井金花肅千林玉露濃不唯樓

上思飛蓋亦陪從得濃字

公綽裴度同為西蜀武元衡判官綽先入為吏部郎
中度有詩曰兩人同日事征西今日君先奉紫泥
公綽字寬京兆人時為西川營田副使不少尹後終
於刑部尚書取士如許康佐崔與李拭韋長皆知名
貴顯云

張正壹

和錦樓翫月詩云高秋今夜月皓色正蒼蒼遠水澄
如練孤鴻迥帶霜旅人方積思繁宿稍沉光朱檻叨

陪賞尤宜清漏長得蒼字

正壹時為西川觀登判官

正壹德宗末年為左補闕以上書召見王叔文之黨

疑正壹言已陰事今言執誼反譖於上乃與所善王

仲舒劉伯芻皆坐遠貶

徐放

和錦樓翫月詩云玉露中秋夜金波碧落開鵲驚初

泛濫鴻思共徘徊遠目清光徧高空爽氣來此時陪

末望更得上燕臺

放字達夫元衡西川從事元和九年為衢州刺史見

退之徐偃王廟碑

崔備得前字秋字二篇

和錦樓翫月詩云清景同千里寒光盡一年竟天多

鴈過通夕少人眠照別江樓上添愁野帳前隋侯恩

未報猶有夜珠圓

又云四時皆有月一夜獨當秋照耀初含露徘徊正

滿樓遙連雪山淨迥入錦江流願以清光末年年許

從游

備時為西川度支判官

備使院憶山中道侶兼懷李約云松竹去名嶽衡茅

思舊居山君水上印天女月中書舊秩芸香在空奩
藥氣餘褐衣寬易攬白髮少難梳病柳傷摧折殘花
惜掃除憶巢同倦鳥避網甚跳魚阮巷慙交絕商
愧跡踈與君非宦侶何日共樵魚
清溪路中寄諸公云備郡隔雲岑迴溪路更深少留
攀桂樹長渴望梅林野筍資公膳山花慰客心別來
無信息可謂井甃沉

備登建中進士第終工部郎中

備弟

元衡中秋夜聽歌聯句此夕來奔月何時去上天備
雲鬢方自照玉腕更呈鮮度嫵婉人間意颺颺物外

蘇公綽

相公詩裁明月翳歌索想夫憐元衡奉立暗漆筍

香父長隨楚夢偏放會當來彩鳳髮鬢逐神仙土政

元衡在蜀淡於接物而開府極一時選公綽為少尹
正壹觀登判官備度支判官裴度掌書記盧士玫觀
登推官楊嗣復節度推官

蘇郁

鸚鵡詞云莫把金籠閉鸚鵡箇箇分明解人語然

更向君前語三十六宮愁幾許

和戎詩云關月夜懸青塚鏡寒雲秋薄漢宮羅君王
莫信和親策生得胡鷁轉更多

郁正元元和間詩人十二樓藏玉堞中鳳凰雙宿碧芙蓉流霞淺酌誰同醉今夜笙歌弟幾重步虛吟倚雨殘樹月收山下林句右張為取作主客圖

胡幽貞

題西施浣沙石云一朝入紫宮萬古遺芳塵至金溪邊花不敢嬌青春

歸四明詩云海色連四明仙舟去容易天籍豈輒問不是卑朝士

張為取二詩作主客圖

張儼

貞元八年十二月謁先主廟絕句三首其一云仗順繼皇業并吞勢由已天命屈雄圖誰歌大風起其三得股肱賢明能以奇用兵何事傷客情何人歸帝京其三雄名垂竹帛荒陵壓阡陌終古更何聞悲風入松柏

杜顥

故絳行云君不見銅鞮觀數里城池已蕪漫君不見析禿宮幾重臺榭亦微蒙介馬兵車全盛時歌童舞女妖豔姿一代繁華皆共絕九原唯望塚累累

韋丹

江西韋大夫丹與東林靈澈上人爲忘形之契丹嘗
爲思歸絕句以寄澈公云王事紛紛無暇日浮生無
事只如雲已爲平子歸休計五老崑前必共聞澈奉
酬詩曰年老身閑無外事麻衣草坐亦容身相逢盡
道休官去林下何曾見一人

丹字分明京兆人幼孤從外祖顏直卿元和中守江
西功第一

鄭俞

玉水記方流詩云積水基風動因知玉德幽如天含
素色侔地引方流潛潤滋雲起熒華射浪浮魚龍水

不夜草木岸無秋壁沼寧堪比瑤池詎可儔若非懸
坐側猶得異宜搜

俞登正元十六年進士第杜元穎吳丹白樂天皆同
年登科樂天爲河南尹俞始受長水縣令樂天四雖
吟云命雖薄猶勝於鄭長水

杜元穎

玉水記方流詩云重泉生美玉積水異常流始玩清
堪賞因知寶可求斗回清氣見聲折紫花浮中矩皆
明德同方叶至柔月華偏共映風韻喚將遊遇鑿終
無暗逢時願見收

元穎淹之孫也。正元末登第，敏文辭，憲宗時所賞。嘆穆宗立，拜中書舍人，不閱歲至宰相，再鎮蜀。敬宗驕僻，元穎哀歛，上供削軍食，遂啓南詔之寇，斥爲循州司馬，死貶所。在蜀時，官屬崔璜訖于衆，盧并奪秩分逐之。

吳丹

玉水記方流，詩云：玉泉何處記，四折水紋浮。淵下不逾矩，居方在上流。映空虛漾漾，涵日靜悠悠。影碎疑衝斗，光清耐觸舟。珪璋分辨狀，砂礫共懷愁。願獻朝賓海，紫迴入御溝。

樂天花前嘆云：前歲花前五十二，今歲花前五十五。歲課年功，頭髮知從霜。成雪君看取，幾人得老莫自嫌。樊李吳韋盡成土。注云：樊絳州宗師，李諫議景儉，吳饒州丹，韋侍郎顛，皆舊往還。相次喪逝，丹字真存。登第，歷職至鎮州宣慰副使，匭使尚書郎，卒于饒州。葬於常州，樂天爲誌。

鄭餘慶

知黃明相公過石門洞，云：紫氛隨馬處，黃閣駐車情。嵌壑驚山勢，洲灘戀水深。地分三蜀限，關志百牢名。琬琰攀酬郢，微言鼎飭情。黃門武元衡也。

唐詩四十五
九
餘慶字居業，滎陽人。善屬文，嚴震帥山南西道，奏置幕府。正元末，為相。憲宗立，再相，出鎮山南西道。穆宗立，加檢校司徒卒。

趙宗儒

宗儒字秉文，鄧州人。父驊，有文名。宗儒為翰林學士，驊改秘書少監。父子並命。驊少與殷寅、顏真卿、柳芳、陸據、蕭穎士、李華、邵軫、善。時語曰：殷、顏、柳、陸、李、蕭、邵，趙謂皆全交也。宗儒正元十二年為相，以文學歷將相位，任崇劇，然無儀矩，以治生瑣碎失名。和黃門相公詔還題石門洞云：益部恩輝降，同榮漢相還。韶芳

滿歸路，軒騎出重關。望日朝天闕，披雲過蜀山。更題

風雅韻，永絕翠嵒間。黃門武元衡也

周弘亮

除夜書情詩云：何處風塵歲，雲陽古驛前。三冬不再稔，曉日又明年。春入江南柳，寒歸塞北天。還傷知候客，花景對韋編。

故鄉除夜詩云：三百六十日，云終故鄉還。與異鄉同非，唯律變情堪恨。抑亦才疎命未通，何處夜歌銷臘酒。誰家高燭候春風。詩成始欲吟將看，早是去年牽課中。

弘亮登正元進士第

王播

王播少孤貧嘗客揚州惠照寺木蘭院隨僧齋飧僧厭怠乃齋罷而後擊鍾後二紀播自重位出鎮是邦因訪舊遊向之題名皆以碧紗幕其詩播繼以二絕句曰三十年前此院遊木蘭花發院新修如今再到經行處樹老無花僧白頭上堂已了各西東慙愧關梨飯後鍾三十年來塵撲面而今始得碧紗籠出擁言也播字明敏父恕家揚州播正元中與弟炎起皆有名穆宗立為相居位無所裨益復失河北衆望不厭乃

出為淮南節度大和初復輔政時韋處厚以獻替自任而播專以錢穀進不甚與事居位四年卒播為淮南節度使遊故居感舊詩云昔年獻賦去江湄今日行春到却悲三逕僅存新竹樹四鄰惟見舊孫兒壁間潛認偷光處川上寧忘結網時更見橋邊記名姓始知題柱免人嗤李德裕和云千騎風生大旆舒春江重訪武侯廬共提龜印銜新授回憶鱣庭是故居取履橋邊啼鳥換釣璜溪畔野花疎今來却笑臨邛客入蜀空馳使者車

周匡物

匡物字幾本潭州人元和十一年李逢吉下進士及第時以歌詩著名家曾徒步應舉至錢塘乏餽舡之資久不得濟乃題詩公館云萬里茫茫天塹遙秦皇底事不安橋錢塘江口無錢過又阻西陵兩信潮郡牧見之乃罪津吏

及第後謝座主云二從東越入西秦十度聞鷓鴣不見春試向昆山投瓦礫便容靈沼洗埃塵悲歡暗負風雲力感激潛生木植身中夜自將形影語古來吞炭是何人

許孜

題鴈塔三寶輪金地壓人寰獨坐蒼冥啓玉關北嶺風煙開碧闕南軒氣象鎖商山灞陵車馬垂楊裏京國城池落照間甍是放塵心遊物外六街鍾鼓又催還

致大和元年登第其兄弟瑄瑾皆高科

張碧

秋日登岳陽樓晴望云三秋倚練飛金盞洞庭波定平如剗天高雲卷綠羅低一點君山礙人眼漫漫萬頃鋪琉璃煙波闊遠無鳥飛西南東北競無際直疑浸斷青天涯屈原回日牽愁吟龍宮感激致應沉賈

生憔悴說不得茫茫煙靄堆湖心又云范蠡帆張一
掌風無人來往繼其中

鴻溝云毒龍銜日天地昏八紘發聵生愁雲秦原走
鹿無藏處紛紛爭處蜂成群四溟波立鯨相吞蕩摧
五岳崩山根魚蝦舞浪狂鯁鯁龍蛇膽戰登鴻門星
旗羽鏃強者集黑風白雨東西屯山河欲折人煙分
壯士鼓勇君王存項莊憤氣吐不得亞父斟聲天上
聞王光墮地驚崑崙留侯氣竟吞太華舌頭一寸生
陽春神農女媧愁不言蛇枯老媪啼泪痕星曹定秤
秤王孫項籍骨輕迷精魂沛公仰面爭乾坤須臾埃

下賊星起歌聲繚繞悽人耳吳娃捧酒橫秋波霜天
月照空城壘力拔山今呼到此驢嘶懶渡烏江水新
豐瑞色生樓臺西楚寒高哭愁鬼三尺霜鳴金匣裏
神光一八千里漢皇驟馬意氣生西南掃地迎天
子美人梳頭云玉堂花院小枝紅綠窻一片春光曉
玉容驚覺濃睡醒圓蟾桂出妝臺表金盤解下叢鬢
碎三尺巫雲縮朝翠皓指高低寸黛愁水精梳滑參
差墜須臾攏掠蟬鬢生玉釵冷透冬冰明芙蓉拆向
新開臉秋泉慢轉眸波橫鸚鵡偷來話心曲屏風半
倚遙山綠

題祖山人池上怪石云寒姿數片竒突兀曾作秋江
秋水骨先生應是厭風雲著向江邊塞龍窟我來池
上傾酒罇半酣書破青煙痕參差翠縷擺不落筆頭
驚恠粘秋雲我聞吳中顧容水墨有高價邀得將來
倚松下鋪却霍繒直道難掉首空歸不成畫

孟東野讀張碧集詩云天寶太白沒六義已消歇大
哉國風本喪而王澤竭先生今復生斯文信難缺下
筆證與云陳辭備風骨高秋數奏琴澄潭一輪月誰
作採詩官烈之不揮發

碧字大碧正元中人自序其詩云碧嘗讀李長吉集

謂春拆紅翠霹靂開蟄戶其竒峭者不可攻也及覽李
太白詞天與俱高青且無際鵬觸巨海瀾濤怒翻則
觀長吉之篇若陟高之巔視諸阜者耶余嘗銳志狂
勇心魄恨不得攤文陣以交鋒覩拔戟挾輶而叱矣

唐詩紀事卷第四十五

唐詩紀事卷第四十六

劉言史

劉猛

李餘

李涉

劉昭禹

孫昌胤

嚴休復

朱慶餘

劉軻

獨孤鉉

張燦

楊虞卿

楊汝士

張志和

劉言史

竹裏梅云竹裏梅花相並枝梅花正發竹枝垂風吹
總向竹枝上直似王家雪下時

春過趙墟有作云下馬邯鄲陌頭歇寂寥崩隧臨車
轍古栢重生枝亦乾餘添見風幽燄滅白蒿微紫

唐經四十六
槿新行人感此復悲春

初下東周贈孟郊云鶴老耳更工龜死殼亦靈正信
非外公終始全本情童子不戲塵積書就宮噐何身著
木葉衣養鹿兼犂耕偶隨下山雲在苒失故程漸入
機險中危思難泰行十髮九縷絲悠然東周城言詞
野麋態出口多累刑因依漢元寮似羈細輕冷竈助
新熱靜砧與寒聲清斷蓬在門欄豈當桃李榮寄食
若蠹虫侵損利微生固非拙爲強懦劣寂療并素堅
冰蘖心潔立保賢貞修文返正風刊字齊古經慙將
裘末分高樓喧世名

過春秋峽云峭壁蒼蒼苔色新無風晴景自勝春不
知何樹幽崖裏臘月開花似此人

長門怨云獨坐爐邊結夜愁暫時思去亦難收手持
金節垂紅淚亂撥寒灰不舉頭

樂府新詞云花顏鬚髮一何偏綠槐香陌欲朝天仍
嫌衆裏嬌行疾傍燈深藏白玉鞭

噴沫團香小桂條玉鞭兼賜霍嫖姚弄影便從天禁
出碧蹄聲碎五門橋

廣州王園寺伏日即事寄北中親友云南越逢初伏
東林度一朝曲池煎畏景高閣絕微飈竹簟移先灑

蒲葵破復搖地偏毛瘴近山毒火威饒裹汗締如濯
親床枕並燒墮枝傷翠羽萎葉惜紅蕉且困流金熾
難成獨酌謠望霖窺潤礎思吹候生條旅恨生烏澗
鄉心繫洛橋誰憐在炎客一夕壯容銷

言史與孟東野友善詩中有貝州召郊之作又有金
陵瀟湘之遊廣州贈北中親友詩蓋言史平生所經
歷處東野哭言史詩云精異劉言史詩腸傾珠玕取
此爲拋擲飛過東溟波可惜大國謠颺爲四夷歌常
於衆中會顏色兩切嗟今日果成死葬喪之洛河
言史送婆羅門歸本國詩云剌刺王孫字迦攝竹鉤

橫寫吒蘿葉遙知漢地未有經手牽白馬遶天行龜
茲磧西胡雪黑大師凍死來不得地盡年深始到船
海裏更行三十國行多耳斷金環落冉冉悠悠不停
脚馬死經留却去時往來應盡一生期出漢獨行人
絕處磧西天漏雨絲絲

瀟湘遊云夷女采山蕉緝紗浸江水野花滿髻妝花
新閑歌暖迺深峽裏暖迺知從何處生當時泣舜腸
斷聲翠華寂寞嬋娟沒野篠空餘紅淚情青煙冥冥
覆杉桂崖壁爽天風雨細昔人幽恨此地遺綠芳紅
豔合怨姿清猿未盡黽鼠切汨水流到湘妃祠北人

莫作瀟湘遊。九疑雲入蒼梧愁。

放螢怨云。放螢去。不須留。聚時年少。今白頭。架中科斗萬餘卷。一字重回。重照見青雲香。恥不可親。開囊欲放。增餘怨。且逍遙。還酩酊。仲舒漫不窺園井。那將寂寞老病身。更就微虫。借光影。欲放時。泪沾裳。衝籬落千點光。

觀繩伎云。秦陵遺樂。何最珍。綵繩冉冉。天仙人。廣場寒食風日好。百夫伐鼓。錦臂新。銀畫青綃。扶雲髮高處。綺羅香更切。重肩接立。三四層。著屐背行。仍應節。兩邊圓劍。漸相迎。側身交步。何輕盈。閃然欲落。却收

得萬人肉上寒毛。生危機險。勢無不有。倒掛纖腰。學

垂柳下來。一一芙蓉。姿粉薄。鈿稀態轉。奇坐中。還有

沾巾者。曾見先王初教時。

潞府李相公席上作

買花謠云。杜陵村人不田稻。入谷經谿復綠壁。每至南山草木春。即向侯家取金碧。幽豔凝花春景曙。採夫移得將何處。蛛惜芳叢送下山。尋斷孤香始回去。豪少居連鵠鵲東。千金使買一株紅。院多花少栽未得。零落綠娥纖指中。咸陽親戚長安里。無限將金買花子。澆紅濕綠千萬家。青絲玉轡聲啞啞。

王中丞宅夜觀舞胡騰云。石國胡兒人見少。蹲舞罇

前急如鳥織成蕃帽虛頂尖。尖細氎胡衫雙袖小。手中
拋下蒲萄盞。西顧勿思鄉路遠。跳身轉轂寶帶鳴。弄
脚續紛錦靴軟。四座無言皆瞪目。橫笛琵琶遍頭促。
亂騰新稔雪朱毛。傍拂輕花下紅燭。酒闌舞罷絲管
絕。木錦花西見殘月。王中丞
武俊也
皮日休劉棗強碑文云。歌詩之風蕩來久矣。大抵喪
于南朝。壞于陳叔寶。然今之業是者。苟不能求古於
建安。即江左矣。苟不能求屬於江左。即南朝矣。或過
爲豔傷麗病者。即南朝之罪人也。吾唐來有是業者。
言出天地外。思出鬼神表。讀之則神馳八極。測之則

心懷四溟。磊磊落落。真非世間語者。有李太白。自歲
有是業者。彫金篆玉。牢竒籠怪。百鍛爲字。千練成句。
雖不在躅太白。亦後來之佳作也。有與李賀同時有
劉棗強焉。先生姓劉氏。名言史不詳其鄉里。所有歌
詩千首。其美麗恢贍。自賀外世莫得此。王武俊之節
制鎮冀也。先生造之。武俊雄健。頗好詞藝。一見先生。
遂加異敬。將署之賓位。先生辭免。武俊善騎射。載先
生以貳乘。逞其藝如野。武俊先騎。驚雙鴨起於蒲稗。
間武俊控弦。不再發。雙鴨聯斃於地。武俊歡甚。命先
生曰。某之伎如是。先生之詞如是。可謂文武之會矣。

何不一言以讚邪先生由是馬上草射鴨歌以示武
俊議者以爲禰正平鶯鷓賦之類也武俊益重先生
由是奏請官先生詔授棗強令先生辭疾不就世重
之曰劉棗強亦如范萊蕪之類焉故相國隴西公夷
簡之節度漢南也少與先生遊且思相見命列將以
襄之髹器千事賂武俊以請先生武俊許之先生由
是爲漢朝相府賓冠隴西公日與之爲筆宴其獻酬
之歌詩大播于當時隴西公從事或曰以某下走之
才誠不足污辱重地劉棗強至衆必以公賓劉於幕
吏之上何抑之如是公曰愚非惜幕間一足地不容

劉也然視其狀有不足稱者諸公視某與劉分豈有
間然哉反爲之惜其壽爾後不得已問先生所欲爲
先生曰司功掾甚閑或可承闕相國由是掾之雖居
官曹宴見與從事儀等後從事又曰劉棗強縱不容
在賓署承乏於掾曹誦矣奚不䟽整其秩相國不得
已而表奏焉詔下之曰先生不恙而卒相國哀之慟
曰果然止掾曹然吾愛客葬之有加等墳云襄陽郭
五里曰榔子關後先生數十歲日休始以鄙文稱于
襄陽襄陽邑人劉求高士也嘗述先生之道業嘗咏
先生之歌詩且歎曰襄之人只知有浩然墓不知有

先生墓恐百歲之後埋滅而不聞與荆棘凡骨溷吾
子之文吾當刊焉日休自存既據實錄之何愧嗚呼
先生之官卑不稱其德宜加私謚然棗強之號世已
美矣故不加焉是為劉棗強碑

劉猛

元微之樂府古題序云詩訖于周離騷訖于楚是後
詩之流為二十四名賦頌銘贊文誄箴詩行咏吟題
怨歎章篇操引謠謳歌曲詞調皆詩人六義之餘而
作者之旨由操而下八名皆起於郊祭軍賞吉凶苦
樂之際在審聲以度詞審調以節唱句度短長之數

聲律平上之差莫不由之准度而又區別其在琴瑟
者為操引採民昨者為謳謠備曲度者摠得謂之歌
曲詞調斯皆由樂以定詞非選詞以配樂也由詩而
下九名皆屬事而作雖題號不同而采謂之為詩可
也後之審樂者往往採取其詞度為歌曲蓋選詞以
配樂非由樂以定詞也而纂撰者由詩而下十七名
盡編為樂府等題除鏡吹橫吹郊祀清商等詞在樂
志者其餘木簡仲卿四愁七哀之輩亦未必盡播於
管弦明矣後之文人達樂者少不復如是配列但遇
興紀題往往兼以句讀短長於歌詩之異劉補闕云

樂府肇於漢魏操仲尼學文王操伯牙作水僊操齊
牘沐作雉朝飛衛女作思歸引則不於漢魏而後始
亦以明矣况自風雅至於樂流莫非諷興當時之事
以貽後世之人必襲古題唱和重複於文或有短長
於義咸爲贅腴尚不如寓意古題刺美見事猶有詩
人引古以諷之義者馬曹劉沈鮑之徒時得如此亦
復稀少近代惟詩人杜甫悲陳陶哀江頭兵馬麗人
等凡所歌行率皆即事名篇無有倚傍餘少時與友
人白樂天李公垂輩謂是爲當遂不復擬賦古樂府
詩數十首中一二章咸有新意予因選而和之其有

雖用古題全無古義者若出門行不言離別將進酒
特書列女之類是也其或頗同古義全創新詞則因
家止述軍輸捉捕請先螻蟻之類是也劉李二子方
將極意於斯文因爲粗明古今歌詩同異之旨焉

月生十五前日望光彩圓明滿十五後日畏光彩瘦
不見夜光色一罇成暗酒匣中苔背銅光短不照空
不惜補明月暫無此良玉明生自念數年間兩手中
藏鈎於心且無恨他日爲我羞古老傳童歌連淫亦
兵象夜夢戈甲鳴苦不願年長皓兩朝梳一把白夜
淚千滴雨可耻垂拱時老作在家女曉句

張爲作主客圖取猛月生十五前等句以孟雲卿爲高古與逸主而以猛爲入室

元微之酬劉猛見送云種花有顏色異色卽爲妖養鳥惡羽翮翮不待高非無剪傷者物性難自逃百足雖健健商羊亦翹翹伊予徇然質謬入多士朝任氣有愎戇容身寡朋曹愚狂偶以直靜僻非敢驕一爲毫髮忤十載山川遙爍鐵不在火割肌不在刀險心露山岳詖語翻波濤六尺安敢主方寸由自調神劍土不蝕異布火不燒雖無二物姿庶欲效一毫未能深感感多謝相勞勞去去我移馬遲遲君過松雲

勢正橫壑江流初滿槽持此慰遠道比之爲舊交

李餘

張爲作主客圖以孟雲陽爲高古與逸主以餘爲入室取其句云長安東門別立馬生白髮句霽後軒蓋繁南山瑞煙發句嘗憂車馬繁土薄聞水聲句

餘登長慶三年進士第蜀人也張籍送餘歸蜀詩云十年人詠好詩章今日成名出舉場歸去唯將新誥牒後來爭取舊衣裳山橋曉上蕉花暗水店晴看芋菜光鄉里親情相見日一時携酒上高堂

賈島送餘及弟歸蜀云知音伸久屈覲省去光輝津

唐詩卷四十一
九
濟逢清夜途程盡翠微雲當綿竹疊鳥離錦江飛肯
寄書來否原居出甚稀

又送餘往湖南云昔去候溫涼秋生滿蜀鄉今來從
辟命春物遍洛陽岳石桂陽雪野帆堆渚檣若尋吾
祖宅寂寞在瀟湘

李涉

石本作李涉鎮江鶴林寺
有坡詩同刻有王藍花在

醉中贈崔膺云與君兄弟住嶺故與君相逢楊子渡
白浪南分吳塞寒綠楊深入隋宮路隋家文物今雖
改舞館歌臺甚尚在煬帝陵邊草木深汴河流水空
歸海古今悠悠人自別此地繁華終未歇大道青樓

翠煙瓊墀繡帳開明月與君一言兩相許外捨形
骸中爾女揚州歌酒不可追洛神映箔湘妃語白馬
黃金為身置誰能獨羨他人醉暫到香爐一夕間能
展愁眉百世事君看白日光如箭一度別來顏色變
早謀侯印佩腰間莫遣看花鬢如霰

題鶴林寺僧室云終日昏昏醉夢間忽聞春盡強登
山因過竹院逢僧話又得浮生半日閑

春晚遊鶴林寺寄使府諸公云野寺尋春花已遲背
嶺唯有兩三枝平生携酒猶堪醉為報春風且莫吹
岳陽別張祐云十年蹭蹬為逐日鬢毛白盡巴江春

鹿鳴依嘯盤寂寞水蛟山魅多精神山瘡困中聞有
赦死灰不望光陰借半夜州符喚牧童虛教衰病生
驚怕巫峽洞庭千里餘巒岨水國何親踈由來真宰
不宰我徒勞歎者懷吹嘯羈橋昔與張生別萬變桑
田何處說龍蛇縱在沒泥塗長衢却爲鴛鴦設愛君
氣堅風骨峭文章真把江淹笑洛下諸生懼刺先烏
鴛不得齊鷹鷂岳陽西南湖上寺水閣松房瀉文字
新釘張生一首詩自餘吟着皆無味策馬前途須努
力莫學龍鍾虛嘆息

晚泊潤州聞角云孤城吹角水茫茫風引胡笳怨思

長驚起暮天沙上鴈海門斜去兩三行

涉嘗過九江至皖口遇盜問何人從者曰李博士也
其豪首曰若是李涉博士不用剽奪久聞詩名願題
一篇足矣涉贈一絕云春雨蕭蕭江上村綠林豪客
夜知聞他時不用相迴避世上如今半是君

涉至楊州一女子拜且泣問之曰宋態也故吳興劉

貞外之愛姬劉全白也劉李有昔年之分涉因贈詩曰長

憶雲仙至小時芙蓉頭上綰青絲當時驚覺高唐夢
唯有而今宋玉知又云陵陽夜醮使君筵解語花枝
在眼前自從明月西沉海不見常娥二十年

唐紀卷四十六
涉勃之兄織人也早從陳許辟憲宗時為太子通事
舍人投匭言吐安承璫寃狀孔戣知匭事表其姦逐
為峽州司倉參軍始戣見其副章詰責不受涉乃行
賂詣光順門通之故戣極言涉姦險欺天請加顯戮
大和中為太學博士自號清谿子

張為作主客圖以孟雲卿為高古奧逸主而以涉入
室取其句云但將鍾鼓悅私愛肯以犬羊為國羞句
及父未適魯妻倦迷津徒懷教化心絀鬱不能伸
一遇知己言萬方始喧喧至今百王則孰不挹其源句
六歎云漢臣一沒丁零塞牧羊西過陰沙外朝馮心南

鴈信難回夜望北辰心獨在漢家茅土穡九州高門
長戟分王侯但將鍾鼓悅私愛肯以犬羊為國羞夜
霜寒雲卧冰雪嚴風獨刃垂旌節丁年奉使白頭歸
泣盡李陵衣上血

春山三竭來云釣魚竭來春日暖松溪不厭舟行緩
野竹初栽碧玉長澄潭欲下青絲短昔人避世兼避
仇暮棲雲外兼悠悠我今無事亦如此赤鯉忽到長
竿頭汎汎隨波兀幾里碧莎如煙沙似砥瘦壁橫空
怪石危山花鬪日禽爭水有時帶月歸扣舷身閑自
是漁家仙

山上搗來採新茗新花亂發前山頂瓊英動搖鍾乳
碧叢叢高下隨崖嶺未必蓬萊有仙藥能向鼎中雲
漠漠越旣遙見裂鼻香欲覺身輕騎白鶴

採藥搗來藥苗盛藥生只傍行人徑世人重耳不重
目指似藥苗心不足野客住山三十載妻兒共寄浮
雲外小男學語便分別已辯君臣知匹配都市廣長
開大鋪疾來求者多相悞見說韓康舊姓名識之不
識先相怒

劉昭禹

經費冠卿舊隱云節高終不起死戀九華山聖主情

何切孤雲性本閑名傳中國外墳在亂松間依約曾
棲處斜陽鳥自還

昭禹字休明婺州人也少師林寬爲詩刻苦風雪詩
云句向夜深得心從天外歸

集首懷華山隱者云先生入太華杳杳絕良音秋夢
有時見孤雲無處尋神清峯頂立衣冷瀑泉吟應笑
千名者六街塵土深

嘗與人論詩曰五言如四十箇賢人著一字如屠沽
不得覓句者若掘得玉合子底必布蓋但精心求之
必獲其實在湖南累爲宰字後署天榮府學士嚴

刺史卒于桂州幕中有詩三百首

孫昌胤

清明詩曰清明暮春裏悵望北山陲燧火開新燭桐
花發故枝沉冥慙歲物歡宴阻朋知不及林間鳥遷
喬並羽儀

和司空曙劉沔虛九日送人云京邑歎離群江樓喜
遇君開筵當九日泛菊外浮雲朗詠山川霽酣歌物
色曠君看酒中意未肯喪斯文

柳子厚與韋中立書云古者重冠禮將以責成人之
道是聖人所尤用心者也數百年來人不復行近有

孫昌胤者獨發憤行之既成禮明日造朝到外廷薦
笏言於卿士其子冠畢應之者咸慙然京兆尹鄭叔
則怫然曳笏却立曰何預我耶廷中皆大笑天下不
以非鄭尹而快孫子何哉獨爲所不爲已

昌胤登天寶進士第

巖休復

揚州唐昌觀玉藥花拆有仙人遊悵然成一絕云終
日齋心禱玉宸竟銷目斷未逢真不如滿樹瓊瑤藥
笑對藏花洞裏人

羽車潛下玉龜山塵世何由覩愛顏唯有無情枝上

雪好風吹綴綠雲鬟

元和中見一女子從以二女冠三小僕直造花所佇
立良久命小童折花數枝謂黃冠者曰曩有玉峯之
期自此可以行矣行百許步遂不復見休復有詩元
微之和云弄玉潛過玉樹時不教青鳥出花枝的應
未有諸人覺只是嚴郎卜得知

樂天詩云羸女偷乘鳳下時洞中潛歌弄花枝不綠
啼鳥春饒舌青瑣仙郎可得知

朱慶餘

慶餘遇水部郎中張籍知音索慶餘新舊篇什留二

十六章置之懷袖而推贊之時人以籍重名皆繕錄
諷詠遂登科慶餘作閨意一篇以獻曰洞房昨夜停
紅燭待曉堂前拜舅姑粧罷低聲問夫婿畫眉深淺
入時無籍酬之曰越女新粧出鏡心自知明豔更沉
吟齊紈未足門人貴一曲菱歌敵萬金由是朱之詩
名流於海內矣

中秋月詩自古分功定唯應缺又盈一霄當皎潔四
海盡澄清靜覺風微起寒過雪乍傾孤高希此遇吟
賞倍牽情

題薔薇花云四面垂條密浮雲入夏清綠攢傷手刺

唐詩卷四
十五
紅墮斷腸英粉著蜂鬚賦光疑蝶翅明雨中看亦好
况復值初晴

送韋校書赴浙東幕云丞相辟書新秋關獨去人官
離芸閣早名占甲科頻水驛迎舩火山城候吏塵湘
邊寄家處到日倍榮親

慶餘名可義以字行登寶應進士第蒲酌勸僮僕好
隨即馬蹄花時慎行李莫上白銅堤句

又題王侯廢宅云古巷戟門誰舊宅早曾聞說屬官
家更無新燕來巢屋唯有閑人去看花空廐欲摧塵
滿攪小池初涸草侵沙敏華事歇皆如此立馬踟躕

到日斜

右張爲取此作主客圖

姚合送景餘越州歸觀云鄉書落姓名太守拜親榮
訪我波濤郡還家霧露城海山空外遠鏡水世間清
何計隨君去鄰牆閑此生

張籍送慶餘歸越云東隣歸路遠幾日到鄉中有寺
山皆遍無家水不通潮聲蓮葉雨野氣稻苗風州縣
知名又爭邀與客同

劉軻

軻爲僧時葬遺骸夢一書生來謝持三雞子勸食之

嚼一而吞二後精儒術任史官退之欲爲文替之會
貶不就

玉聲如樂詩云玉振能旋止人言與樂并繁音易宮
闕雅韻詘然清珮想停仙步泉疑咽夜聲曲終無巽
韻聽罷有餘情待達知難擬玲瓏豈易名崑山如可
得一片佇為榮

撫言云軻慕子孟軻爲文故以名焉少爲僧止于豫章
高安之南果園復求黃老之術隱於廬山旣而進士
登第文章與韓柳齊名

軻上座主書曰軻本沛上耕人代業儒爲農人家天
寶末流離于邊徙貫南鄙邊之人嗜習翫味異乎沛
然亦未嘗輟耕捨學與邊俗齒且曰言忠信行必果
雖夷貊行矣故處邊如沛然貞元中軻僅能執經從
師元和初方結廬于廬山之陽日有芟夷畚築之役
雖震風凌雨亦不廢力大耨或農圃餘隙積書牕下
日與古人磨礪前心歲月悠久寔成書癖

樂天云廬山自陶謝後正元初有符載楊衡輩隱焉
今讀書屬文結茅崑谷者猶一二十人其中秀出者
有彭城劉軻開卷慕孟軻爲人秉筆慕楊雄司馬遷
爲文軻志不息異日必能跨符楊而攀陶謝矣

軻字希仁元和末登進士第卒于洛州刺史與魯武陵並以史才直史館不知為僧者是

獨孤鉉

日南至云玉曆班窮律凝陰發一陽輕暉猶惜短桂影叱偏長晷度經南斗流晶盡北堂乍疑周戶耀可愛逗林光積雪消微照初萌動渺茫更昇臺上望雲物已昭彰

鉉登元和進士第

張燦

寒食遣懷云繁華泣清露懶落衣巾明日逢寒食春

春風見故人病來羞帶楚西去欲迷秦憔悴此時夜

青山歸四隣

璨正元元和間進士也

楊虞卿

過小妓英英墓云蕭晨騎馬出皇都聞說埋冤在路隅別我已為泉下土思君猶似掌中珠四弦品柱聲初絕三尺孤墳草已枯蘭質惠心何所在焉知過者是狂夫樂天夢得皆有和章

樂天云人間有夢何曾入泉下無家豈是歸墳上少啼留取渡明年寒食更露衣

軻字希仁元和末登進士第卒于洛州刺史與宣武
陵並以史才直史館不知為僧者是

獨孤鉉

日南至云玉曆班窮律凝陰發一陽輕暉猶惜短桂
影叱偏長晷度經南斗流晶盡北堂乍疑周戶耀可
愛逗林光積雪消微照初萌動渺茫更昇臺上望雲
物已昭彰

鉉登元和進士第

張燦

寒食遣懷云繁華泣清露懶落衣巾明日逢寒食春

春風見故人病來羞帶楚西去欲迷秦憔悴此時夜

青山歸四隣

璨正元元和間進士也

楊虞卿

過小妓英英墓云蕭晨騎馬出皇都聞說埋冤在路
隅別我已為泉下土思君猶似掌中珠四弦品柱聲
初絕三尺孤墳草已枯蘭質惠心何所在焉知過者
是狂夫樂天夢得皆有和章

樂天云人間有夢何曾入泉下無家豈是歸墳上少
啼留取渡明年寒食更露衣

唐紀卷四十六
夢得云但見好花皆易落從來尤物不長生鸞臺夜
直衣衾冷雲雨無因入禁城

虞卿醉後善歌掃市詞又有小妓攻琵琶虞卿死遂
辭去樂天哭虞卿詩云何日重聞掃市歌誰家收得
琵琶妓

虞卿字師臯號州人佞柔善諧麗宗閔僧孺相穆宗
引爲右司郎中宗閔倚之時號黨魁爲京兆尹以罪
貶虔州司戶參軍死

楊汝士

唐名族重京官而輕外任汝士建節後詩云拋却弓

刀上砌臺上方樓殿翠雲開山僧見我衣裳窄知道
新從戰地來又云而今老大騎官馬羞向關西道姓
楊

寶曆中楊於陵僕射入覲其子嗣復率兩榜門生迎
於潼關宴新昌里第僕射與所執坐正寢嗣復領諸
生翼兩序元白俱在賦詩席上汝士詩後成元白覽
之失色詩曰隔坐應須賜柳屏盡將仙翰入高冥文
章舊價留鸞掖桃李新陰在鯉庭再歲生徒陳賀宴
一時良吏盡傳馨當時疏廣雖云盛詎有茲筵醉綠
醺其日大醉歸謂其子弟曰吾今日壓倒元白時爲刑

開成中汝士以戶侍檢校尚書鎮東川時樂天以太
子少傅分洛戲代內子賀兄嫂曰劉綱與婦共登仙
弄玉隨夫亦上天何似沙哥領崔姨碧油幢引向東
川又云金花銀碗饒兄用罨畫羅裙任嫂裁嫁得黔
婁為妹婿可能空寄蜀茶來

裴令公居守東洛夜宴半酣公索句元白有得色時
公為破題次至汝士曰昔日蘭亭無艷質此時金谷
有高人白知不能加遽裂之曰笙歌鼎沸勿作冷澹
生活元顧曰樂天所謂能全其名者也

汝士鎮東川其子知溫及弟命妓張宴人與紅綾一

疋詩曰郎君得意又青春蜀國將軍又不貧一曲高
歌紅一疋兩頭娘子謝夫人

汝士字慕巢牛李待之善開成初鎮東川時嗣復鎮
西川乃族昆弟對擁節旌世榮其門終刑部侍郎

張志和

漁父詞云西塞山前白鷺飛桃花流水鱖魚肥青蘋
芷綠蓑衣斜風細雨不須歸又云釣臺漁父褐為裘
兩兩三三鮮艫舟能縱掉慣乘流長江白浪不曾憂
又云雪溪灣裏釣魚翁舴艫為家西復東江上雪浦
邊風笑着荷衣不歎窮又云松江蟹舍主人歡菰飯

尊羹亦共養楓葉落荻花乾醉宿漁舟不覺寒又云
青草湖中月正圓巴陵漁父棹歌連釣車子搖頭船
樂在風波不用仙

憲宗時畫玄真子像訪之江湖間不可得因令集其
詩上之玄真之兄張松齡懼其放浪而不返也和荅
其漁父云樂在風波釣是閑草堂松逕已勝攀太湖
水洞庭山狂風浪起且須還

志和字子周婺州人母夢楓生腹上而產志和十六
擢明經肅宗時以事貶南浦尉不復仕居江湖自稱
煙波釣徒著元真子兄鶴齡恐其遁世爲築室越州

東郭與陸羽往還憲宗圖真求其歌不能致李德裕
稱志和隱而有名顯而無事不窮不達嚴光之比云

唐詩紀事卷第四十七

謝良輔

鮑防

杜弁

丘丹

嚴維

鄭槩

陳元初

呂渭

范燈

樊珣

劉蕃

賈弁

沈仲昌

李祐

李播

蕭靜

崔子向

李逢吉

楊乘

謝良輔自良輔至沈仲昌有相會作憶
長安十二詠因載他詩於其後

憶長安十二詠云憶長安正月時和風喜氣相隨獻

壽彤庭萬國燒燈青玉五枝終南徃徃殘雪渭水處

處流澌

又云憶長安臘月時溫泉彩仗新移瑞氣遙迎鳳輦
日光先暖龍池取酒蝦蟇林下家家守歲傳卮
狀江南十二詠云江南孟冬天荻穗軟如綿綠綃芭
蕉裂黃金橘柚懸

太白與良輔遊涇川陵嵒寺詩云乘君素舸泛涇西
宛似雲門對若溪且從康樂尋山水何必東遊入會

稽良輔登天寶十一年進士第

德宗時刺商州
爲團練所殺

又狀江南十二詠云江南仲春天細雨色如煙絲為
武昌柳布作石門泉

鮑防

憶長安十二詠云憶長安二月時玄鳥初至謀和百
轉宮鶯繡羽千條御柳黃絲更有曲江勝地此來寒
食佳期

狀江南十二詠云江南孟春天荇葉大如錢白雪裝
梅樹青袍似葑田

防雜感詩云漢家海內承平久萬國戎王皆稽首天
馬常銜首蓂花胡人歲獻蒲萄酒五月荔枝初破顏
朝離象郡夕函關鴈飛不到桂陽嶺馬走皆從林邑
山甘泉御果垂仙閣日暮無人香自落遠物皆重近
皆輕雞雖有德不如鶴

防字子慎襄陽人正元初爲禮侍策賢良方正得穆
質裴復柳公綽歸登崔邠韋純魏弘簡熊執易世美
防知人防於詩尤所感發以譏切當世與中書舍人
謝良弼友善號鮑謝

送薛補闕入朝云平原門下十餘人獨受恩多未殺
身每嘆漢家兄弟少更憐楊氏子孫貧柴門豈斷施
行馬魯酒卮堪醉近臣賴有軍中遺今在猶將談笑
對風塵

杜弁

憶長安十二詠云憶長安三月時上苑遍是花枝青

幾場送客曲水竟日題詩駿馬金鞭無數良辰美
景追隨

丘丹

憶長安十二詠云憶長安四月時南郊方乘旌旗嘗
酌玉卮更獻合黍絲籠交馳芳草落花無限金張許
史相隨

狀江南十二詠云江南季冬月紅蠟大如編湖水龍
爲鏡鑪風氣作煙

韋蘇州秋夜寄丹云懷君屬秋夜散步詠涼天山空
松子落幽人亦未眠

丹和云露滴梧葉鳴秋風桂花發中有學仙侶吹簫
弄明月

蘇州又贈丹 云跡與孤雲遠心將野鶴俱那同石
氏子每到府門庭

丹和云又作煙霞侶暫將簪組親還同褚伯玉入館
忝州人

蘇州聽江笛送陳侍御云遠聽江上笛江上笛田若君
還愁獨宿客更向郡齋聞

丹和云離樽聞夜笛寒亮入塞城月落車馬散悽惻
主人情

蘇州送丘負外還山詩云長棲白雲表暫訪高齋宿
還辭郡邑誼歸泛松江綠結茅隱蒼嶺伐薪響深谷
同是山中人不知往來躡靈芝非庭草遼鶴委池鷺
終當書里門一表高陽族

丹酬云側聞郡守至偶乘黃犢出不別桃源人一見
經累日蟬鳴念秋稼蘭酌動離愁臨水降麾幢野艇
纔容膝參差碧山路日送江帆疾涉海得驪珠棲梧
慙鳳質媿非鄭公里歸掾蒙籠室

蘇州重送丘二十二還臨平山居云歲中始再見方
來又解携纔留野艇語已憶故山棲幽澗人夜汲深

林鳥長啼還持郡齋酒慰子霜露淒

丹和二云賣藥有時至自知往來踈遠辞池上酌新得

口中書步出芙蓉府歸乘轂鯨車猥蒙招隱作豈愧

班生盧此丹述懷之作

丹隱臨平山與韋蘇州往還韋有詩贈丹云高詞棄

浮靡正行表鄉閭未真南宮拜聊偃東山居

中元日鮑端公宅遇吳天師聯句云道流為柱史教

戒下真仙嚴維共契中元會初修內景篇鮑遊方依地

僻卜室喜墻連謝良輔寶笥開金籙華池漱玉泉杜恠

龍隨羽翼青節降雲煙李靜昔去遺丹竈今來變海田

劉養形奔二景練骨度千年謝良輔騎竹投陂裏携壺

拄牖邊鄭洞中嘗入靜河上舊談玄陳允初伊俗笙歌

遠蓬壺日月偏樊清馴引白犬伯陽牽丘法受

相君後心存象帝先呂道成能縮地功滿欲昇天范

何意迷孤性含情戀數賢吳筠

鮑防代宗時以御史大夫歷福建江西觀察使呂渭

大曆間為浙西支使大曆末貶歙州司馬觀十二月

詩與中元聯句皆在江南時事也詠江南而憶長安

其意可見矣

嚴維

憶長安十二詠云憶長安五月時君王避暑華池進
膳甘瓜朱李續命芳蘭綵絲競處高明臺謝槐陰柳
色通達

狀江南十二詠云江南春季天尊葉細如絃池邊草
作逕湖上葉如船

維字正文越州人與劉長卿善長卿對酒寄維云陋
巷喜陽和衰顏對酒歌懶從華髮亂閑住白雲多郡
簡容垂釣家貧學弄梭門前七里瀨早晚子陵過維
荅云蘇耽佐郡時近出白雲司藥補清羸疾疴絕
妙詞柳塘春水慢花塢夕陽遲欲識懷君意朝朝訪

檝師

時劉爲睦州司馬

維作越之諸暨尉劉隨州以詩送云愛爾文章逸還
家印綬榮退公兼色養臨下帶鄉情喬木映官舍春
山宜縣城應憐釣臺石閑却爲浮名

維留別云中年從一尉自笑此身非道薄甘微祿時
艱耻息機晨趨本鄉府晝偃故山扉待見干戈畢何
妨更採薇

題靈一上人院新泉云山下新泉出泠泠比法源落
花纔有響澌石未成痕獨映孤松色難分衆鳥喧唯
當清月夜觀定此禪門

送薛尚書入朝云卑情不敢論拜首入轅門列郡諸
侯長登朝八坐尊凝筵臨水發行旆向風翻幾許遺
民泫同懷父母恩

哭靈一上人云一公何不住空有遠公名共說岑山
路今時莫可行舊房松更老新塔草初生經論傳緇
侶文章遍墨卿禪床枝幹折法宇棟梁傾誰復修僧
史應知傳已成

長卿送維赴河南充嚴中丞幕府云又別耶溪客來
乘使者軒用才榮入幕扶病喜同樽山屣留何處江
帆去獨翻暮情辭鏡水秋夢識雲門蓮府開花萼桃

源寄子孫何當舉嚴助偏沐漢朝恩

維贈別云早見登郎署同時跡下僚幾年江路永今
日國門遙文變騷人體官移漢帝朝望山吟度日接
枕話通霄萬里趨公府孤帆恨信潮康時知己老聖
代耻逃堯

長卿蛇浦月下重送云秋風颭颭鳴條風月相和寂
寥黃葉一離一別青山暮暮朝朝寒江漸出高岸老
樹猶依斷橋明日行人已遠空餘淚逐歸潮

維重別云月色今宵最明庭閑夜久天清秋心靜多年
左宦殷勤遠別深情溪臨脩竹煙色風落高梧雨聲

耿耿相看不寐遙聞擊折山城

長卿七里瀨重送云秋江渺渺水空波越客孤舟欲
榜歌手折衰楊悲老別故人零落已無多

維重別云新安非故枉帆過海內如君有幾何醉裏
別時秋水色老人南望一狂歌

錢起送維尉河南云蕙葉青青花亂開少時趨府下
蓬萊甘泉未厭楊雄賦吏道何勞賈誼才征陌獨愁
雲蓋遠離筵只惜暝鍾催欲知別後相思處願植瓊
林向栢臺維終校書郎

鄭槩

憶長安十二詠云憶長安六月時風臺水榭逶迤朱
果雕籠香透分明紫禁寒隨塵驚又衢客散赭河滴

灑清驪

司空曙寄槩詩云倦枕欲徐行開簾秋日明手便筇
杖冷頭喜葛巾輕綠草前侵水黃花半上城虛銷此
風景不見十年兄

狀江南十二詠云江南孟秋天稻花白如氈素腕慙
新藕殘粧妬晚蓮

陳元初

憶長安十二詠云憶長安七月時槐花點散果魚七

夕針樓競出中元香供初移繡轂金鞍無限遊人處
處歸隨

僧靈一有送元初卜居麻源詩云欲向麻源隱能尋
謝客蹤空山幾千里幽谷第三重崑宇寧須葺荷衣
不待縫因君見往事為我謝喬松

陳孫移耶溪舊居呈陳元初校書云雞犬漁舟裏長
謠任興行即令邀客醉已被遠山迎書笈將非重荷
衣著甚輕謝安無箇事忽起為蒼生

呂渭

憶長安十二詠云憶長安八月時闕下天高舊儀衣

冠共頌金鏡犀象對舞丹墀更愛慈南灞上可憐秋

草碧石滋

狀江南十二詠云江南仲冬天紫蔗節如鞭海將塩
作雪山用火耕田

渭正元十一年知貢舉撓悶不能定去留寄詩前主
司曰獨坐貢闈裏愁多芳草生仙翁昨日事應見此
時情

中書省柳久枯死興元二年車駕還柳再榮謂之瑞
柳明年渭以為禮部賦題德宗甚惡之

渭字君載河中人德宗時為禮部侍郎與裴延齡姻

家擢其子上第出為潭州刺史卒

范燈

憶長安十二詠云憶長安九月時登高望見崑池上
苑初開露菊芳林正獻霜梨更想千門萬戶月明砧
杵參差

狀江南十二詠云江南季夏天身熱汗如泉蚊蚋成
雷澤架梁作水田

樊珣

憶長安十二詠云憶長安十月時華清士馬相馳萬
國來朝漢闥五陵共臘秦祠晝夜歌鍾不歇山河四

塞京師

狀江南十二詠云江南仲夏天時雨不如川蘆橋垂
金彈甘蔗吐白蓮

劉蕃

憶長安十二詠云憶長安子月時千官賀至丹墀御
苑雪開瓊樹龍堂冰作瑤池獸炭爐正好貂裘狐
白相宜

狀江南十二詠云江南季秋天栗熟大如拳楓葉紅
霞翠蘆花白浪川

蕃登天寶八年進士第

賈弇

狀江南十二詠云江南孟夏天慈竹笋如編蜃氣為樓閣蛙聲作管絃

弇登大曆進士第柳子厚先友誌云弇長樂人善士也為校書郎卒

李益送校書賈弇東歸寄振上人詩云北風吹鴈數聲悲况指前林是別時愁草不堪煩送遠白雲何處更相期山隨匹馬行看暮路入寒城獨去遲為向東州故人道江淹已擬惠休詩

沈仲昌

狀江南十一詠云江南仲秋天鱖鼻大如船雷是樟亭浪苔為界石錢

仲昌登天寶九年進士第蕭穎士送劉方平沈仲昌秀才同觀所試雜文云山東茂異有河南劉方平臨汝沈仲昌以郡府計偕之尤當禮闈能賦之試餘勇待賈未始踰辰吾徒相與登群玉咀遺芳目臨雲外思入神境佳哉樂乎意數子之出幽谷而漸于陸矣

李祐

袁江口懷王司勳王吏部云京華不啻三千里客淚如今一萬雙若箇最取為相憶處青楓黃竹入袁江

唐宗室也大曆元和間江南錄事參軍纂之子

李播

見志云去歲買琴不與價今年沽酒未還錢門前債
主鴈行立屋裏醉人魚貫眠

播登元和進士第

播以郎中典蘄州有李生携詩謁之播曰此吾未第
時行卷也李曰頃於京師書肆百錢得此遊江淮間
二十餘年矣欲幸見惠播遂與之因問何往曰江陵
謁盧尚書播曰公又錯也盧是其親表李慚悚失次
進曰誠若郎中之言與荆南表丈一時乞取再拜而

出

蕭靜

三湘有懷云柳絮飛來別洛陽梅花落後到三湘世
情已逐浮雲散離恨空隨江水長

崔子向

上鮑大夫云行盡江南塞北時無人不誦鮑家詩東
堂桂樹何年折直到如今少一枝鮑防正元時人

送惟詳律師自越之義興云陽羨諸峯頂何曾異刻
山雨晴人到寺木落夜開關縫衲紗燈晃看心錫杖
閑西方知有社未得與師還

子向正元以前爲監察御史終南海從事裴劍傳奇
云子向之子煒正元中人居南海

李逢吉

送令狐秀才赴舉云子有雄文藻思繁韶年射策向
金門前隨鸞鶴登霄漢却望風沙是塞垣獨憶忘機
陪出處自憐何力繼飛翻那堪兩地生離緒蓬戶長
扃行旅喧

和嚴揆省中宿齋遇令狐員外當直之作云致齋分
直宿南宮越石盧謀此夜同位極班行猶念舊名題
章奏亦從公曾驅瓜士三邊靜新贈髯參六義窮竟

又文昌如有月可憐如在庾樓中

望京臺上寄令狐華州云祗沒滯南服類思屬暮年
閑上望京臺萬山蔽其前落日歸飛翼連翩東北天
涪江適在下爲我又潺湲中興成文教德威清遠邊
頒條信徒爾華髮生蒼然寄懷三峯守岐路隔雲煙
奉酬忠武李相公見寄云直繼先朝衛與英能移孝
友作忠貞劍門失險曾縛虎淮水安流綠斬鯨黃閣
碧幢惟是復三公二伯未爲榮惠連忽贈池塘句又
遣羸師破膽驚

酬致政楊祭酒見寄云初還相印罷戎旃獲守皇居

在紫煙安比鄧侯功茂尔每懷踈傳意悠然應將半
俸霑間里料入中條訪洞天十載別離那可道倍令
驚喜見來篇

逢吉與令狐楚有唱和詩曰斷金集裴夷直爲之序
云二相未遇時每有所作必驚流輩不數年遂壓秉
筆之士及入官登高益復隆高我不求異他人自遠
逢吉卒楚有題斷金集詩云一覽斷金集載志埋王
人牙絃千古絕珠淚萬行新

楊乘

甲子歲書事時上黨用兵詩賦云豎子夫鼎烹大君

尚肝食風雷隨出師雲霞有戰色犒功椎萬牛募勇
懸千帛武士日曳柴飛羽競執馘喜氣迎捷書懼聲
送羽檄天兵日雄強桀犬稍離垢賊臂旣已斷賊喉
旣已搯樂禍但鯨鯢同惡惟肘腋小大勢難作逆順
初不敵違命固天亡恃險垂長策蠱毒久萌芽狼顧
非日夕禮貌忽驕狂䟽奏遂指斥動衆豈佳兵含恐
恐無益鴻恩旣已孤小效不足惜腐儒一鉞刀投筆
時感激帝閣不敢干恹恹坐長晝

南徐春日懷古云六代驕奢地三春物象繁靈湖通
漲海天塹隔中原曉渡高帆駛陰風巨艦翻旌旗西

日落戈甲夏雲屯豹變資陳武龍飛擁晉元風流前
事盡文物舊儀存邪侮嘗移潤忠貞幾度免興亡山
兀兀今古水渾渾露暖蜂偷藥鶯啼日到酒腸堆
麴蘗詩思遠乾坤愁夢全無蝶離憂每愧豈形骸勞
大塊玉石任炎崑出處寧由己升沉未足言且應中
聖樂坐起任昏昏

建鄴懷古云故城故壘滿江濱盡是干戈舊苦辛見
此即須知帝力生來便作太平人

吳中書事云十萬人家天塹東管絃臺榭滿春風名
歸范蠡五湖上國破西施一笑中香逕自生蘭葉小

響廊深映月華空樽前多暇但懷古盡日愁吟誰與
同勝句云自怜垂拙兩何如畫泥琴聲夜泥書數拍
胡笳彈未熟故人新命畫胡車

乘甲子年書事乃會昌四年討劉稹也張爲作主客
圖以白樂天爲廣大教化主而以乘爲入室之上

乘宣宗大中初登第官終殿中侍御史楊維直四子
發假收嚴發以春爲義其子以祝以乘爲名假以夏
爲義其子以照爲名收以秋爲義其子以鉅鏘鑑爲
名嚴以冬爲義其子以注涉澗爲名皆以文學登第
時號修行楊家與靖恭諸楊比於華盛

唐詩紀事卷第四十七

唐詩紀事卷第四十八

李秘

韋暉

李德裕

鄭還古

裴航

裴休

呂群

徐商

王傳

韋渠牟

陸長源

盧宗回

劉闢

薛宜僚

陸希聲

崔季卿

皇甫澈

李秘

禁中送任山中云子去非長往君恩取大還補天留
綵石縮地入青山獻壽千年外來朝數月閑莫拋殘
藥物切欲駐童顏

唐宗室也元和正元時人

韋臯

臯少遊江夏止於姜使君之館有小青衣曰玉蕭纔十許歲常侍臯臯後告別與約後會因留玉指環一枚并詩寄情云黃雀嚙來已數春別時留解贈佳人長江不見魚書至爲遣相思夢入秦

李德裕

元和十一年歲在丙申李逢吉下三十三人皆取寒素時有語曰元和天子丙申年三十三人皆得仙袍似爛銀文似錦相將白日上青天德裕頗爲寒素開

路及謫官南去或有詩曰八百孤寒齊下淚一時回

首均善崖州出據

上巳憶江南楔事云黃河西繞郡城流上巳應無杖楔遊爲憶淶江春水色更隨霄夢向吳州德裕營平泉莊遠方以異物奉之或題曰隴右諸侯供語鳥口南太守送名花

及譴責或作詩云肉視具寮忘匕箸氣吞同列削寒溫當時誰是承恩者肯有餘波達鬼村之句又云畫閣不開梁燕去朱門罷掃乳烏歸千崑萬嶽應惆悵流水斜傾出武闈蓋恨之也

公離東都平泉有詩云十年紫殿掌洪鈞出入三朝
一品身文帝寵深陪雉尾武皇恩重燕龍津黑山未
破和親虜烏嶺全坑跋扈且自是功高臨盡處禍來
名滅不由人

公漢州日夕遊房公西湖云丞相鳴琴地何年黯玉

徽房公好琴偶因微月夕重敞故樓扉桃李蹊空在

芙蓉客暫依唯怜濟川楫長與夜舟歸重題云晚日

臨寒渚微風發擢謳鳳城波白闊魚水運難留亭古

思宏棟川長憶濟舟想公高世志祇似化城游

房公舊竹亭聞琴緬慕風流神期如對有作云流水

音長在青霞意不傳獨悲形解後誰聽廣陵絃

德裕論文曰沈休文以音韻爲切重輕爲難語雖甚

工旨則未遠未可以言文外意也古之辭高者蓋以

言妙而工適情不取於音韻曹植七哀詩有四泥諧
依四韻王粲有舉原安

三韻班固多用協韻倚歟
元勳佐漢舉信是也矣意盡而止成篇不物於隻

耦文選有五韻七韻
韻十一韻者故篇無足尤詞寡累句古辭如金

石琴瑟尚於至音今則如絲竹鞞鼓迫於促節即知

聲律之爲其弊也世有非文章者曰詞不出於風雅

思不越於離騷摸鴈古人何足貴也余曰譬諸日月

雖終古常見而光景嘗新此所以爲靈物者也嘗爲

文箴曰文之為物自然靈氣惚恍而來不思而至杼
軸得之澹而無味琢刻藻繪弥不足貴如彼璞玉磨
龍成器奢者為之錯以金翠美質既彫良寶斯弃此
文之大旨也

劉三復謂德裕曰漁歌樵唱皆傳述作此夢述夢詩云

賦命誠非薄良時幸已遭君當堯舜日官接鳳凰曹

目睇煙霄闊心驚羽翼高此六句作倚梧連鶴禁埤現

接龍韜內署北連春宮我后憐詞客先后朝曾宣諭

吾僚並雋髦著書同陸賈待詔比王褒重價隣玄壁

英辭淬寶刀泉流初落澗文賦稱言泉露滴更濡毫

亦豹忻來獻彤弓喜暫蒙時西戎乞盟幽鎮二師東

詩稱亦豹黃非煙含瑞氣馴雉潔霜毛靜室便幽獨

能蓋真也虛樓散鬱陶學士院有一室西南花光晨豔豔松韻

晚騷騷畫壁看飛鶴山圖見巨鼇內署垣牆比皆有畫

海內曲龍山憲宗欲傍簷陰藥樹落菘蒲此入

臨幸中使懼而圖焉荷靜蓬池膾冰寒郢水醪每學士

是內署物色唯曾遊者依然可想也初上賜

食皆蓬萊池魚膾夏至後頒賜水及燒香荔芝來自

遠盧橘賜常叨先朝初臨御南方曾獻荔枝麝氣隨

蘭澤霜華入杏膏恩光唯覺重携挈未為勞扇迴交

綵翟鵬起颺銀條纒待奚絲攬書期蜀客操盡規徒

寒寒退舍尚怵怵此八句述內庭所觀龜顧垂金鈕鸞飛曳錦

袍御溝楊柳弱天廐驪驪豪屢換青春直閑隨上苑

遨煙仗行殿竹風折繞垣桃此八句述游日遊戲聚散俄成昔

悲愁益自熬每懷仙駕遠更望茂陵號地接三茅嶺

川迎五子濤代稱海濤是五子胥憤氣所作花迷瓜步暗石固蒜山

牢蘭野凝青管梅洲動翠篙泉魚驚綵妓溪鳥避干

旄感舊心猶絕思歸首更搔無聊燃密炬誰復勸金

舸余自到此絕無夜宴酒器中大者呼為舸嵐氣朝

生棟城陰暝入濠望煙歸海嶠送鴈度江臯死馬嘶

寒捩吳鉤在錦收未能追狡兎空覺長江蒿水逾

千里風帆過萬艘闕川終古恨唯見暮滔滔

德裕述夢詩記為夢中賦詩耳元微之和云聞有池

塘什還因夢寐遭攀未占類蔡詠豆放過曹莊蝶玄

言秘羅禽藻思高注云本篇稱六句皆夢中作故此

三聯多證夢意已下皆言同在翰林及翰苑故事若

學士初入賜龍飛馬故有借騎銀杏葉之句青詔用

來多紋紙故有來紙侵紅點之句麻制例別通霄勘寫

故有蘭燈熠碧高之句學士密邇銀臺每日常聞門

使勘契開鎖又院門有急命即鈴索門自搖習以為

異故有吏傳開鎖契神撼引鈴條之句學士無過從

唐紀卷四十八
五
聚會之例時與李閑行寺觀而已故有分阻盃盤會
閑期寺觀遨之句乃皆唐之故事也

鄭還古

還古閑居東都將入京赴選柳當將軍者餞之酒酣
以一詩贈柳氏之妓曰冶艷出神仙歌聲勝管絃詞
輕白紵曲歌過碧雲天未擬生裴秀如何乞鄭玄不
堪金谷水橫過墜樓前柳喜甚曰專伺榮命以此為
賀未幾還古除國子博士柳見除日即遣入京及嘉
祥驛而還古物故乃放妓他適逸史載還古初娶柳
氏女嘉會之初夢娶房氏後柳卒再娶東都李氏屬

房直溫為東洛少尹李之舅也禮宴皆房主之始知
舊夢之前定也

還古登元和進士第

裴航

長慶中裴航下第遊鄂渚傭舟還都有樊氏女同載
航賂其侍兒以詩求達曰同為胡越猶懷思况遇天
花隔錦屏儻若玉京朝會去願隨鸞鶴入青瑩樊答
詩曰一飲瓊漿百感生玄霜搗盡見雲英藍橋便是
神仙宅何必崎嶇上玉清世傳藍橋玉英之事未必
信姑載於此

裴休

贈黃蘗山僧希運詩曰自從大士傳心印額上圓珠
七尺身挂錫十年棲蜀水浮盃今日渡漳濱一千龍
象隨高步萬里香華結勝因擬欲事師為弟子不知
將法付何人休會昌中官于鍾陵請運至郡以所解
一篇示之師不顧曰若形於紙墨何有吾宗休問其
故曰上乘之印唯是一心更無別法心體一空萬緣
俱寂如大日輪升於虛空其中照耀靜無纖埃證之
者無新舊無淺深說之者不立義解不閉戶牖直下
便是動念即乖其後休錄之為傳心法要云

休字公美孟州人大中六年為相能文章為人醞藉
進止雍閑宣宗曰休真儒者

呂群

群元和十一年下第遊蜀性不容下僕馭怨之至眉
州題詩所寓寺之東壁其一云路行三蜀盡身及一
陽生賴有殘燈火相依坐到明其二曰杜後辭巢燕
霜前別帶蓬願為胡蝶夢飛去覓關中吟訖淚下意
緒不堪未幾為其奴所殺

徐商王傳

商鎮襄陽有副使節判同加章綬商以詩賀之云朱

紫花前賀故人兼榮此會頗關身同年坐上聯賓榻
宗姓亭中布錦裯晴日照旗紅灼爍韶光入隊影玢
璘芳菲解助今朝喜嫩蘂青條滿眼新

觀察判官將仕郎監察御史王傳和云朱紫聯輝照
日新芳菲全屬斷金人華筵重處宗盟地白雪飛時
郢曲春仙府色饒攀桂侶蓮花光讓握蘭身自憐亦
是膺門客吟想恩榮氣益振

朝議郎江州刺史段成式和云雲雨軒懸鶯語新一
篇佳句占陽春銀黃年少偏欺酒金紫風流不讓人
連壁坐中斜日滿貫珠歌裏落花頰莫辭倒戴吟歸

去看欲東山又吐苗

商宣宗時爲山南東道節度使咸通四年爲宰相封
東莞縣子商與曹確楊收路巖同秉政有嘲之者曰
確確無餘事錢財摠被收商人都不管貨賂幾時休
傳登大中三年進士第初貧窶於中條山萬固寺入
院讀書家廟碑云隨僧洗鉢

韋渠牟

貞元元年渠牟爲大府卿與金吾李齊運度支裴延
齡京兆尹嗣道皆承恩寵薦人多得名位時劉老師
穆寂皆科日渠牟主穆寂齊運主老師會齊運朝對

上嗟其羸弱許以致仕而老師失據無名子嘲之云
太尉朝天外穆老尚書倒地落落劉郎劉禹錫曰名場
巖嶮如此出古今詩話

渠牟南山四皓贊云爓爓煌煌為珪為璋孰光乎不
耀之光幽幽深深為山為林孰繫乎不繫之心足知
乎虛室生白玄門不關流水去住清風往還豈比乎
稷契在甘巢由在山一物有累兩心不閑者哉閑之
謂何簪居薜蘿本不干我豈云其他熙熙忻忻與時
為春巨漢避秦惟茲四人于德之濱不迷其津繪事
後素孰知其故想像儀刑念茲丹青擘擘紫芝深谷

逶迤俛仰今古空林往時鳳皇無德鸞鳥皆有群出處
嘿語商山白雲

渠牟述之從子也少警悟攻為詩李白異之授以古
樂府去為道士不終更為浮屠已而復冠韓滉表試
校書郎德宗誕日詔徐岱趙需許孟容與渠牟及佛
老二師並對麟德殿質問大趣渠牟有口辯雖三家
未究解然答問鋒生帝聽之意動遷秘書郎後倚延
齡為姦利勢焰可炙擢太常卿卒權載之叙其文曰
初君年十一嘗賦銅雀臺絕句右拾遺李白見而大
駭因授以古樂府之學且以瓌琦軼拔為已任至弱

冠乃喟然曰四始五際今既遠矣會情性者因於物象窮比興者在於聲律蓋辨以麗以則得於無間合於天倪者其在是乎彼患休稱謝末嘉如芙蓉出水鍾嶸謂范尚書如流風迴雪吾知之矣遂苦心藻慮儷詞比事纖密清巧度越群倫嘗著天竺寺十六韻魯郡文忠公序引而和之使畫工圖於仁祠摘句配境偕爲勝絕又於江南著卧疾三十韻晉國忠肅公手翰以美之曰草木獨立其在我韋生乎其爲名臣宗公所稱賞如此又與竟陵陸鴻漸杼山僧皎然爲方外之侶沉冥博約爲日最久而不名一行不帶一

方故其曳羽衣也則曰遺名攝方袍也則曰塵外披儒服也則今之名字著焉周流三教出入無際寄詞詣理必於斯文

陸長源

孟東野以樂府戲贈云蓮子不可得荷花生水中猶勝道傍柳無事蕩春風長源荅云芙蓉初出水菡萏露中花風吹著枯木無柰值空槎

東野有夷門雪贈主人云夷門貧士空吟雪夷門豪士皆飲酒酒聲歡鬧入雲霄雪聲激切悲枯朽悲歡不同歸去來萬里春風動江柳

長源荅云好丹與素道不同失意得途事皆別東隣
年少樂未英南客思歸腸欲絕千里長河水復冰雲
鴻冥冥楚山雪

酬東野新居見寄云大道本夷曠高情亦冲虛因隨
白雲意偶逐青蘿居青蘿分蒙密四序無慘舒餘情
濯子衿散彩還吾廬去歲登美第榮名在公車將必
繼管蕭豈惟躡應徐首夏尚清和殘芳徧丘墟褰幃
蔭窻柳汲井滋園蔬達者貴知心古人不願餘愛君
蔣生徑且著茂陵書

長源吳人贍於學德宗以宣武節度使董晉儒懷詔
長源爲司馬佐之持法峭刻晉卒長源總留後事軍
亂殺之

盧宗回

長安慈恩寺塔詩云東方曉日上翔鸞西轉蒼龍拂
露盤渭水冷光搖藻井玉峯晴色墮欄杆九重宮闕
參差見百二山河表裏觀暫輟去蓬悲不定一凭金
界望長安

宗回登元和進士第

劉闢

登樓望月云圓月當新霽高樓見最明素波流粉壁

丹桂拂飛毫下瞰千門靜旁觀萬象生梧桐窓下影
烏鵲檻前聲嘯逸劉琨與吟資庾亮情遊人莫登眺
迢遞故鄉程

又云皎潔三秋月魏我百丈樓下分征客路上有美
人愁帳卷芙蓉帶簾寒玳瑁鈎倚窓情渺渺憑檻思
悠悠未得金波轉俄成玉筍流不堪三五夕夫婿在
邊州

闕字太初擢進士宏詞科佐韋臯府後爲西川節度
以叛誅

薛宜僚

宜僚以左庶子充新羅冊贈使至青州悅一妓段東
美賦詩曰阿母桃花方似錦王孫草色正如煙不須
更向滄溟望惆悵懽情又一年到外國謂判官苗甲
曰東美何故頻見夢中數日而卒觀至青段奠之一
慟而卒

陸希聲

古之善書鮮有得筆法者希聲得之凡五字撇押鈎
格抵用筆雙鈎則點畫遒勁而盡妙矣謂之撥鐙法
希聲自言昔二王皆傳此法至陽冰亦得之希聲以
授少門學光學先入長安爲翰林供奉希聲猶未達

以詩寄詒光云筆下龍蛇似有神天池雷雨變逡巡
寄言昔日不龜手應念江頭并滌人詒光感其言引
薦希聲於貴倖後至相

希聲博學善屬文相昭宗在位無所輕重以太子太
師罷李茂正犯京師與疾避難卒

崔李卿

晴江秋望云八月長江萬里晴千帆一道帶風輕盡
日不分天水色南是岳陽城

李卿嶠之從孫也

皇甫澈

正元十四年澈刺蜀州賦四相詩序云蜀州刺史廳
壁記居相位者前後四公諱明弼諱遷轉歷此顧已
無取忝跡於斯景行遺烈嗟嘆之不足也謹述其行
事詠其休美庶將來君子知聖朝之德云爾
中書令漢陽王張柬之

周曆革元命天步值艱阻烈烈張漢陽左袒清諸武
休明神器正文物舊儀觀南向翊大君西宮朝聖母
借韻用茂勳鏤鍾鼎鴻勞食茅土至今稱五王卓立
邁萬古

中書令鍾紹京

景龍仙駕遠中禁奸釁結謀猷叶聖朝披鱗奮英節
清宮闔闔啓滌穢氛沴滅紫極重昭回皇天新日月
從容廟堂上肅穆人神悅唐元佐命功輝煥何烈烈
禮部尚書門下侍郎平章事李峴

時來偶明聖道濟寧邦國猗歟瑚璉器竭我股肱力
進賢黜不肖措枉舉諸直宦官旣却坐權豎亦移職
載踐每若驚三已無愠色昭昭垂憲章來世實作則
門下侍郎平章事王縉

舟楫濟巨川山河資秀氣昭膺究儒業屈指取高位
北征戮驕悍東守輯瓊貳論道致魏寤持衡無事事

知已不易遇宰相固有器瞻事華壁中來者誰其

嗣

善... 卷四十八

Large stylized watermark characters, likely '國圖' (National Library).



